

ՀԱՂԱՐԴՈՒՄՆԵՐ ԵՎ ՀՐԱՊԱՐԱԿՈՒՄՆԵՐ

Թ. Կ. Հակոբյան

### ՀԱՅ ՌԱԶՄԱԳԵՐԻՆԵՐԻ ՀԱԿԱՖԱՇԻՍՏԱԿԱՆ ԸՆԴՀԱՏԱԿՅԱԿԱԶՄԱԿԵՐՊՈՒԹՅՈՒՆԸ ԼԵՀԱՍՏԱՆՈՒՄ

Հայրենական Մեծ պատերազմի սկզբնական շրջանում Հիտլերյան Գերմանիայի ժամանակավոր հաջողությունների հետևանքով թշնամու ձեռքն ընկավ Սովետական Միության տերիտորիայի մի զգալի մասը։ Ֆաշիստներին հաջողվեց զերի մեծ թվով կարմիր բանակայիններ, Սառնառակ տալով զոյություն ունեցող միջազգային ամեն մի օրենք, արհամարհելով մարդկային ամենատարրական նորմաները, հիտլերականները ամենաբարբարոս եղանակներով ոչնչացնում էին թե՛ սովետական խաղաղ բնակչությանը և թե՛ անզեն ռախկին կարմիր բանակայիններին։ Համակենտրոնացման ճամբարներում սովետական ռազմագերիները գտնվում էին հղիական ծանր պայմաններում։ Ռազմագերիների համակենտրոնացման ճամբարները վեր էին ածվել մահվան իսկական ֆարրիկանների։ պատերազմի սկզբից մինչև վերջին օրերը զործում էին հիտլերականների ստեղծած հրեշավոր կիզարանները, մարգարիտիկ ապստամբները, հատուկ սարքերը։ Սովետական քաղաքացիներին հիտլերականները ոչնչացնում էին ամենաչնչին առիթներով ու առանց առիթի, զիշեր թե ցերեկ, զյուզերում թե քաղաքներում, տանը թե ճամփամիջում։

Դժոխային պայմաններում գտնվելով հանդերձ, սովետական ռազմագերիների ճնշող մեծամասնությունը երբեք չի կորցրել հավատար հաղթանակի նկատմամբ, մահվան դեմ հանդիման լինելով, մնացել է սովետական հայրենասեր, հավատարիմ Կոմունիստական պարտիային ու մեր ժողովրդին։ Ավելին, սովետական հայրենասերները հիտլերյան համակենտրոնացման ճամբարներում, օտար երկրների տերիտորիայում չեն զաղարեցրել պայքարը ֆաշիզմի դեմ։ Կոմունիստների զլխավորությամբ նրանք համախմբվել են ընդհատակյա հայրենասիրական կազմակերպություններում, հակաֆաշիստական լայն աշխատանքներ են ծավալել և գրեթե ամենուր օրինակ ծառայել մյուս երկրների ռազմագերիների համար։

Հիտլերյան համակենտրոնացման ճամբարներում ստեղծված հայրենասիրական շատ կազմակերպություններից մեկը զործում էր լեհական բեռնամարտիկ տեղավայրում համակենտրոնացված հայ ռազմագերիների շրջանում։ Հակաֆաշիստական այդ կազմակերպությունը մի խումբ կոմունիստների ղեկավարությամբ երկարատև և նշանակալից զործունեություն է ծավալել 1942—1944 թթ. ընթացքում։ Այդ զործունեությունը պսակվել է փայլուն, մեր ժողովրդին պատիվ բերող հաջողություններով։ Չնայած դրան, նրա մասին՝ իբրև ֆաշիստական համակենտրոնացման ճամբարում ստեղծված և լայն զործունեություն ծավալած կազմակերպության, հատուկ ուսումնասիրություն չի զրվել։ Մամուլում, մասնավորապես թերթերում, այս կամ այն պատեհ առիթով խոս-

վել է միայն այդ կազմակերպության որևէ քայլի մասին, հակիրճ, երբեմն էլ կցկտուր տեղեկություններ են հաղորդվել նրա առանձին անդամների գործունեության վերաբերյալ:

Ուսումնասիրելով հիտլերյան ճամբարներում հայ ռազմագերիների մի մեծ խմբի հակաֆաշիստական գործունեությունը, մեզ մոտ կուտակվել է ահագին փաստական նյութ, որը հնարավորություն է ընձեռնում որոշ շափով ընդհանրացնել հայրենասիրական այդ մեծ շարժման պատմությունը, բնավ հավակնություն չունենալով սպառել ավելի խորն ու բազմակողմանի ուսումնասիրության կարոտ թեման: Ըստ որում, հարկ ենք համարում նշել, որ սույն հոդվածի համար զխավորապես հիմք են ծառայել այդ կազմակերպության հիմնադիրների ու ղեկավարների, ինչպես նաև նրա շուրջ 30 անդամների հուշերը, մի քանի սղագրություններ ու հրատարակված որոշ նյութեր և փաստաթղթեր:

\* \* \*

1941 թ. վերջին և 1942 թ. սկզբին հիտլերականները վարչավայրից ոչ հեռու գտնվող Բենիամինովոյի համակենտրոնացման ճամբարն էին հավաքել սովետական շուրջ քսան հազար ռազմագերիներ<sup>1</sup>: 1942 թ. սկզբին այնտեղ կային ռուսներ, ուկրաինացիներ, բելոռուսներ, հայեր, վրացիներ, ադրբեջանցիներ, ղազախներ, ուզբեկներ, որոնք իրարից զատ-զատ, գտնվում էին լրացուցիչ փշալարերով շրջափակված զոնաներում: Իսկ ճամբարի շուրջ բոլորը ձգված էին մի քանի շար լարափակոցներ՝ 2,5—3 մետր բարձրությամբ, յուրաքանչյուր 50—100 մետրի վրա կանգնեցված աշտարակաձև դիտակետերով, որտեղից հսկում էին ավտոմատավորներն ու զննարարները:

Ռազմագերիներն այստեղ էին բերվում ռազմաճակատի տարբեր հատվածներից, օկուպացված հոսպիտալներից, թշնամու զրաված շրջաններից: Չնայած ամեն օր ֆաշիստները հաբյուրավոր մարդիկ էին ոչնչացնում, ճամբարը շարունակում էր մնալ բազմամարդ, որովհետև ռազմագերիների նորանոր խմբեր էին բերվում:

Մասսայական ոչնչացումներից զատ ֆաշիստները պարբերաբար որսում էին ռազմագերիների մեջ գտնվող բարձրաուժեճան հրամանատարներին, քաղաշխատողներին, որոնում կոմունիստներին, սովետական սկսական օրգանների ծառայողներին, և նրանց խոշտանգում, ծաղր ու ծանակում, տանջամահ անում, կենդանի թաղում: Այդպիսիներին հայտնաբերելու համար ֆաշիստները ռազմագերիներից ստեղծել էին լրտեսական ցանց՝ այդ նպատակով ընտրելով սովետական կարգերից դժգոհ տարրերին, քրեական հանցագործներին, անկայուն էլեմենտներին: Բայց ֆաշիստներին նույնիսկ այդ միջոցներով շատ բան չէր հաջողվում անել: Ռազմագերիների մեծամասնությունը միշտ էլ շարունակում էր մնալ սովետական հայրենասեր, տոգորված էր ֆաշիզմի ջախջախմանը նպաստելու, նույնիսկ անմարդկային պայմաններում գործելու ցանկությամբ: «Ես,—գրում է նախկին ռազմագերի Վ. Վարդանյանը,—ծանր ապրումներ էի ունենում այն ժամանակվա իմ անգործունյա վիճակի համար, որովհետև իմ հայրենիքը արյունաքամ էր լինում և այրվում գերմանա-ֆաշիստական բարբարոսությունների ու անսանձ կամայականությունների կրակի

<sup>1</sup> ՏՃ՝ «Советская авиация», 1957, № 116.

մեջ, Ես աճել ու դաստիարակվել եմ սովետական կարգերի օրոք, դաստիարակվել եմ մեր մեծ՝ Սոցիալիստական Հայրենիքին անկեղծորեն ու անձնվիրաբար նվիրվելու ոգով... Այդ ամենն ինձ պարտավորեցնում էր ձեռքերը ծալած շնորհակցել... այլ ռազմաճակատին օգնելու ուղիներ փնտրել...»<sup>2</sup>

Այս պայմաններում էլ, բենիամինովոյի համակենտրոնացման ճամբարում գտնվող հայ ռազմականների շրջանում, 1942 թ. մայիսին ստեղծվեց Հակաֆաշիստական ընդհատակյա հայրենասիրական կազմակերպություն (ՀԸՀԿ), նրա ստեղծողները եղան սովետական կադրային սպաները, քաղաշխատողները, պարտիական աշխատանքի դպրոց անցած և կյանքի հարուստ փորձ ունեցող մարդիկ, որոնք հանգամանքների չարաբաստիկ բերումով գերվելով, շարունակում էին մնալ սովետական ջերմ հայրենասերներ, կոմունիստներ և պայքարի դժվարին ասպարեզն էին ոտք դնում իրենց պարտքի խոր գիտակցությամբ, հաղթանակի նկատմամբ ունեցած անմար հավատով, խղճի ու զգացմունքների բնական թելադրանքով:

«Մայիսի վերջերին,—ՀԸՀԿ-ի ստեղծման մասին իր հուշերում գրում է Ս. Մ. Բուդյոննու անվան ռազմա-լիեկտրատեխնիկական ակադեմիայի դասընթացներից մեկի նախկին հրամանատար Ստ. Յաղչյանը<sup>3</sup>,—ինձ ուղարկեցին բենիամինովոյի ճամբարը, ուր ես հանդիպեցի իմ ընկերներին՝ Սովետական բանակի սպաներ Ալեքսանդր Ղազարյանին<sup>4</sup>, Դավիթ Մինասյանին<sup>5</sup> և Վահան

2 Վ. Վարդանյան, հուշեր (բաղկացած 7 մեքենագիր էջերից), էջ 3—4:

3 Ստեփան Հակոբի Յաղչյանը ծնվել է 1906 թ., Կիլիկիայի Մարաշ գավառի Դաշ Օլուղ գյուղում: Առաջին համաշխարհային պատերազմի ժամանակ նրա ծնողները կոտորվել են, իսկ ինքը Արարիայում, Կոստանդնուպոլսում, Հունաստանում թափառական կյանք վարելուց հետո 1925 թ. փոխադրվել է Սովետական Հայաստան: 1929 թ. ավարտել է Անդրկովկասյան ռազմական դպրոցը, իսկ 1938 թ.՝ Ս. Մ. Բուդյոննու անվան ռազմական ակադեմիան: Հայրենական պատերազմը սկսվելու պահին նա գտնվում էր հատուկ նշանակության 25-րդ հեծելազորային դիվիզիայի կապի պետի պոստում: ՍՄԿՊ անդամ է 1928 թ.: Այժմ աշխատում է Լենինգրադի գիտահետազոտական ինստիտուտներից մեկում՝ իբրև ղեկավար-ինժեներ: Պարգևատրված է Կարմիր Աստղի, Հայրենական պատերազմի առաջին աստիճանի և Ֆրանսիական ռեսպուբլիկայի երկու շքանշաններով և մի քանի մեդալներով:

4 Ալեքսանդր Աբկադիի Ղազարյանը ծնվել է 1907 թ., Օդեսայում: Կոմերիտմիության կոչով Կարմիր Բանակում ծառայության է անցել 1926 թ.: Ավարտել է Անդրկովկասյան հետևակային զինվորական դպրոցը, իսկ հետագայում ծառայության է անցել օդային նավատորմում: 1941 թ., լինելով Ռազմա-օդային ակադեմիայի ավարտական կուրսի ունկնդիր, Ղազարյանը նշանակվում է 19-րդ բանակի օդային ուժերի հետախուզական բաժնի պետ: Գերվել է զլխից ստացած վերքի պատճառով, գիտակցությունը կորցրած վիճակում՝ Վյազմայի տակ, ուր զորամասը շրջապատվել էր թշնամու ուժեղացված զորքերով: Ընդհատակյա աշխատանքի առաջին քայլերը կատարել է Վյազմայում: Այժմ պաշտոնաթող փոխգնդապետն աշխատում է ՍՍՌՄ Քաղաքացիական օդային նավատորմի հայկական առանձին խմբի ուսումնա-վարժական էսկադրիլիայի պետի պոստում: ՍՄԿՊ անդամ է 1932 թ., պարգևատրված է Լենինի, Կարմիր Դրոշի, երկու Կարմիր Աստղի շքանշաններով, Ֆրանսիական երկու շքանշանով և մի քանի մեդալներով:

5 Դավիթ Ենոբի Մինասյանը ծնվել է 1903 թ., Նոր Բայազետում (այժմ Կամո): Կոմերիտմիության ուղեգրով զինվորական ծառայության է անցել 1924 թ.: Մինչև Հայրենական Մեծ պատերազմը նա 58-րդ հրետանային գնդի հրամանատարն էր: Նրա գունդը թշնամու դեմ կռվի է բռնվել սահմանագլխին, պատերազմի հենց առաջին օրը՝ Արևմտյան Բուդի ափին: Գերության սկզբնական շրջանում նա գտնվում էր Համբլսուրդի հիտլերյան զննանում, ուր մասնակցել է սովետական զինեղանքներ Ալավերդյանի, Նիկիտինի և Կարբիշևի ղլխավորությամբ գործող ընդհատակյա կազմակերպության աշխատանքներին: ՍՄԿՊ անդամ է 1930 թ.: Այժմ պաշտոնաթող մայոր Դ. Մինասյանն աշխատում է Հայ Կինոստուդիայի դիմադրական բաժնի վարիչի պոստում: Ունի փառավարական մի քանի պարգևներ:

Վարդանյանին<sup>6</sup>, որոնց հետ մինչ Հայրենական պատերազմի սկսվելը սովորել և ծառայել էի Անդրկովկասյան զինվորական օկրուգում: Մենք բոլոր շորս մայորներս ՍՄԿՊ անդամ էինք և իրար լավ զիտեինք: ...Այդ ծանոթությունը մեզ հնարավորություն տվեց հանդիպման առաջին իսկ օրվանից անկեղծ և լիովին վստահությամբ խոսել Հակաֆաշիստական ընդհատակյա կազմակերպություն ստեղծելու մասին: ՀԸՀԿ-ն ստեղծելի սկսեցինք 1942 թ. մայիսի վերջերից՝ զխավորապես Սովետական Բանակի սպաներից ու քաղաշխատողներից»<sup>7</sup>:

Նախապատրաստական աշխատանքների ընթացքում սովետական կադրային սպաները ձգտում էին ամենայն զգուշությամբ հայտնաբերել այն ռազմագերիներին, որոնք պարտիայի անդամ էին, ունեին զինվորական կոչում, քաղաշխատողներ էին: Մատնիչներից ու պրովոկատորներից զգուշանալու նպատակով սկզբում որոշվեց հայրենասիրական կազմակերպության մեջ ներգրավել սահմանափակ թվով մարդկանց՝ միայն սպաներին: Շուտով ստուգված և վստահելի մարդկանցից ստեղծվեց ընդհատակյա կազմակերպության կորիզը, որի մեջ բացի հիշյալ շորս մայորներից մտնում էին գումարտակի կոմիսար Մկրտիչ Գրիգորյանը, 2-րդ կարգի զինվորական բժիշկ Հարություն հաչատրյանը, 2-րդ կարգի զինվորական անասնաբույժ Միխայիլ Սիսաձեն, կապիտան Ավետիս Կարապետյանը, կապիտան Ննոք հաչատրյանը, ավագ լեյտենանտ Արտեմ Բաբայանը, ավագ լեյտենանտ Ռուբեն Գալստյանը, քաղդեկ Հովհաննես Բոշիկյանը, քաղդեկ Պանդուխտ Մելոյանը, քաղդեկ Արամ Ավետիսյանը, լեյտենանտ Միքայիլ Մարկոսյանը (հրեա, որի իսկական անունն ազգանունն է Իոսիֆ Կոզան), լեյտենանտ Արամայիս Հովսեփյանը, լեյտենանտ Ալեքսանդր Վարդանյանը, ատամնատեխնիկ Լեոնիդ Շահինյանը (հրեա, որի իսկական անունն ազգանունն է Լեոնիդ Շադակ), կրտսեր սերժանտ Վադինակ հաչատրյանը<sup>8</sup>:

Կազմակերպությունը զխավորելու համար որոշվեց ստեղծել ղեկավար կենտրոն, որը ստացավ ընդհատակյա բյուրո անունը: Նրա մեջ մտան կոմունիստներ Ս. Յաղչյանը, Ալ. Ղազարյանը, Դ. Մինասյանը, Վ. Վարդանյանը, իսկ որոշ ժամանակ հետո նաև Ավետիս Կարապետյանը<sup>9</sup>: Բյուրոյի ղեկավարի

6 Վահան Մկրտչի Վարդանյանը ծնվել է 1905 թ., Բաթումիում: Սովորել է Նախ Օդեսայի հետևակային, ապա Կիևի հրետանային զինվորական դպրոցներում: 1928 թ. ծառայության է մտել հայկական հրաձգային դիվիզիայում: 1939 թ. ավարտել է Զրահատանկային ակադեմիան, ստացել մայորի կոչում, իսկ 1940 թ. ընդունվել է ՍՄԿՊ շարքերը: Պատերազմը սկսվելու պահին եղել է Բելոստոկում, գերվել է հուլիսի կեսերին: Այժմ աշխատում է ՀՍՀՄ Անտառատնեսության վարչությունում իրեն զխավոր ինժեներ, ունի կառավարական պարգևներ:

7 Ստ. Յաղչյան, հուշեր, էջ 1: Այս հուշերը բաղկացած են երկու մասից, մեքենագրական 26 էջից (20+6): Սույն հոդվածում օգտագործվում է միայն առաջին հատվածը, որը կրում է «Իմ հիշողությունները Հակաֆաշիստական ընդհատակյա հայրենասիրական կազմակերպության (ՀԸՀԿ) մասին» վերնագիրը: Այս, ինչպես նաև հոդվածում օգտագործվող բոլոր հիշողությունները գրվել են մեր խնդրանքով: Օգտագործելով առիթը մեր ջերմ շնորհակալություններն ենք հայտնում բոլոր նրանց, ովքեր նպաստեցին մեր աշխատանքին:

8 Նույն տեղում, էջ 1—2:

9 Ավետիս Միսաիկ Կառապետյանը ծնվել է 1913 թ., Սարիղամիշում: Հայրը զոհ է գնացել հայկական կոտորածներին: Մանկությունն անց է կացրել որբանոցներում: Սովորել է երեկոյան դպրոցում, ապա ավարտել Լենինականի ՖԳՈՒ-ն, իսկ 1931 թ. կոմերիտմիության ուղեգրով զինվորական դպրոց է ուղարկվել: Հայրենական պատերազմի մասնակցել է իրեն գումարտակի շտաբի պետ: ՍՄԿՊ անդամ է 1941 թ.: Այժմ աշխատում է իրեն աշգեկ:

պարտականությունը դրվեց Ստեփան Յաղջյանի վրա։ Ապա անմիջապես որոշվեցին ընդհատակյա կազմակերպության գործունեության լեզանակր և առաջիկա զինավոր խնդիրները։ Որոշվեց, որ կազմակերպությունը կգործի շղթայաձև սխեմանով։ Յուրաքանչյուր օղակի մեջ կմտնեն 3—4 մարդ, որոնցից յուրաքանչյուրը կճանաչի և կապ կպահպանի 1—2 հոգու հետ։ Բյուրոյի անդամներից յուրաքանչյուրը կզինավորի որոշակի թվով օղակների աշխատանքը և իբրև կանոն կխուսափի բյուրոյի մեկ այլ անդամի հետ լեզալ կերպով հանդիպելուց։ Կոնսպիրացիայի նպատակով կիրառված այդ մեթոդը, ինչպես պարզվեց հետագայում, ապահովեց կազմակերպության անընդմեջ գործունեությունը, հնարավոր դարձրեց անխուսափելի ձախողումների ժամանակ պահպանել ընդհատակի հիմնական ուժերը։

Վերհիշելով Հակաֆաշիստական ընդհատակյա հայրենասիրական կազմակերպության առջև սկզբնական շրջանում դրված նպատակները, Ստ. Յաղջյանը գրում է, որ «Բենիամինովոյի ճամբարում ՀԸՀԿ-ն իր առջև դրել էր հետևյալ խնդիրները.

1. Ռազմագերիների մեջ հակաֆաշիստական պրոպագանդա մղել։
2. Ծամբարի ադմինիստրացիայից թաքցնել քաղաշխատողներին և հրեա ազգությունը ռազմագերիներին։
3. Ծամբարից Հեհաստանի պարտիզանների մոտ ռազմագերիների մասնայական փախուստներ կազմակերպելու նպատակով կապ հաստատել լեհ կոմունիստների հետ»<sup>10</sup>։

Հայ ռազմագերիներին հիտլերականները երկար չպահեցին Բենիամինովոյի ճամբարում։ Բայց այն 3—4 ամիսներին էլ, երբ այստեղ գործում էր ՀԸՀԿ-ն, նրա անդամներին հաջողվեց իրենց հակաֆաշիստական ընդհատակյա պայքարի առաջին քայլերն անել։ Ջգուշանալով պրովոկատորներից, նրանք շոշափում էին ռազմագերիների տրամադրությունները, երևան հանում կայուն հայրենասիրներին, անհատական զրույցներ ունենում մարդկանց հետ, բացատրում ֆաշիստական բանակի հաջողությունների ժամանակավոր բնույթը, հիմնավորում Կարմիր Բանակի անպարտելիությունը, նրանց մեջ վառ պահում սերն ու նվիրվածությունը Կոմունիստական պարտիայի ու Սովետական Հայրենիքի նկատմամբ։ Այդ աշխատանքի ընթացքում էլ ընդհատակյա կազմակերպության անդամներն ընտրում, ստուգում ու հակաֆաշիստական գործունեության մեջ էին ներգրավում հայրենասիրներին, հակահարված տալիս ծախվածներին, առանձին դեպքերում «լուելյան» դատաստան տեսնում նրանց հետ։ Դրա շնորհիվ զնալով բարձրանում էր ռազմագերիների բարոյական վիճակը, ամրապնդվում հավատը հաղթանակի նկատմամբ, էլ ավելի կարծրանում ատելությունը դեպի հիտլերյան բարբարոսները։ Աստիճանաբար ավելանում էր ընդհատակյանների թիվը, ընդլայնվում հակաֆաշիստական գործունեության շրջանակը։

Որոշակի հաջողության հասավ ՀԸՀԿ-ն նաև Կարմիր Բանակի նախկին քաղաշխատողներին քողարկելու, ֆաշիստական վրեժխնդրությունից փրկելու, ինչպես նաև հրեա ռազմագերիներին թաքցնելու գործում։ Մատնիչներին հայտնաբերելու, նրանց վնասագերծ անելու նպատակով՝ ընդհատակյա բյուրոն վստահելի մարդկանցից մի քանիսին հանձնարարեց ստանձնել բա-

<sup>10</sup> Ստ. Յաղջյան, հուշեր, էջ 21

րաքնների ավագների, ճամբարի ներսի մաքրությունը պահպանողների պարտականությունները, դառնալ ներքին կարգին հետևող «ոստիկաններ»:

— Բանն այն է, — բացատրում է ընդհատակյա կազմակերպության ստեղծողներից մեկը, բյուրոյի անդամ Ալ. Ղազարյանը, — որ դավաճանները հիտլերականներին հանդիպելու և իրենց մատնությունները կատարելու համար բարաքից կամ զոննայից բացակայելու թույլտվություն էին ստանում բարաքի ավագից, տվյալ զոննայի ոստիկանից: Այդ պոստերում մեր մարդկանց ունենալով մենք հնարավորություն կստանայինք ոչ միայն ճանաչել դավաճաններին ու զգուշանալ նրանցից, այլև խուսափել հնարավոր անակնկալներից ու ծուղակներից<sup>11</sup>:

Ընդհատակի առաջադրած այդ խնդրի կատարմանը նպաստեց ճամբարի պետի թարգմանիչը, որը հայտնի էր Յան ազդանունով և որը զաղտնի կապի մեջ էր ընդհատակայիների հետ: «Սկզբնական շրջանում, — գրում է Ալ. Ղազարյանը, — մեզ անդհահատելի օգնություն ցույց տվեց սովետական իսկական հայրենասեր, նախկին շեկիստ Յանը, ազդույթյամբ հրեա: Նա ճամբարում աշխատում էր իրրե թարգմանիչ: Նրա ջանքերի շնորհիվ ճամբարային բոլոր հանգուցային պոստերում, սկսած խոհանոցից՝ վերջացած ճամբարային ոստիկանությունից, դրվեցին սովետական մարդիկ: Ծամբարային ոստիկանության պետն, օրինակ, մի նախկին շեկիստ էր՝ ազդույթյամբ աբխազ, իսկ նրա տեղակալը՝ նախկին քաղաշխատող: Եւ հնարավորություն էր տալիս մեզ տեղյակ լինել ճամբարային բոլոր գործերին, հայտնաբերել պրովոկատորներին և ուղղակի դավաճաններին, որոնք, բարեբախտաբար, շատ չէին»<sup>12</sup>:

Հրեա ռազմաղերիներին թաքցնելու նպատակով ընդհատակը նպատակահարմար գտավ հայր անվան ու ազդանվան տակ քողարկել մի քանի հրեաների, նախապես նրանց նախապատրաստելով հնարավոր անակնկալների դեպքում իրրե հայ ներկայանալու համար: Այդ ճանապարհով հաջողվեց փրկել Լեոնիդ Շադաևին, Իոսիֆ Կոզանին, Երկու դերասանների (որոնց անունները մոռացվել են) և էլի մի քանի հոգու: Հրեա ազդույթյան պատկանող ռազմաղերիներն իրենց հերթին ակտիվորեն մասնակցում էին ընդհատակյա աշխատանքներին:

Մյուս կարևոր քայլը, որ ձևաբանեց ընդհատակը՝ Բենիամինովոյի համակենտրոնացման ճամբարում, լեհ հայրենասերների հետ կապ ստեղծելու առաջին փորձն էր: Այդ խնդիրը զլխավորապես պետք է իրագործեր ավագ լեյտենանտ Ռուրեն Գալստյանը, որը իրրե վարորդ, հիտլերականների հսկողությամբ, հաճախ մեկնում էր Վարշավա: Կապն արդեն հաստատվում էր, երբ շուրջ հազարի հասնող հայ ռազմաղերիներին անսպասելի կերպով փոխադրեցին Դեմրլենի ճամբարը, իսկ մինչ այդ Գալստյանը հանվեց ավտովարորդի պոստից<sup>13</sup>:

Մի այլ կարևոր խնդիր ևս ՀԸՀԿ-ն իրագործեց. երբ հայտնի դարձավ, որ հիտլերականները մտադիր են տարրեր ազդույթյունների ռազմաղերիներին

<sup>11</sup> Տե՛ս Ալ. Ղազարյանի հուշերի մեր կատարած սղագրությունը (բաղկացած 46 էջից), էջ 13:

<sup>12</sup> А. А. К а з а р я н, За правое дело. См. сборник «О чем не говорилось в сводках. Воспоминания участников движения Сопротивления», М., Госполитиздат. 1962, стр. 352.

<sup>13</sup> Նույն տեղում և Մ տ. Յ ա զ ղ յ ա ն, հուշեր, էջ 2—3:

տարբեր ճամբարներ փոխադրել, ընդհատակյա բյուրոն խնդիր դրեց կապվել մյուս ազդու թյուններին պատկանող ռազմագերիների հետ և նրանց շրջանում հակաֆաշիստական աշխատանքներ ձեռնարկել։ Դա արվեց բյուրոյի անդամների միջոցով՝ Բենիամինովոյից փոխադրվելու նախօրեին։ Ճամբարի «լուծարքման ժամանակ,—նույն տեղում գրում է Ալ. Ղազարյանը,—բյուրոն աշխատանք կատարեց մյուս ազդու թյունների գերիների շրջանում և պայմանավորվեց, որ ընդհատակյա աշխատանքները կշարունակվեն նոր վայրերում։ Վրացիների ու օսերի հետ աշխատանք կատարեցի ինքս, իսկ ադրբեջանցիների, ղազախների, ուզբեկների և թուրքմենների հետ՝ մայրոններ Յաղչյանն ու Մինասյանը»։

Դեմբլինում հիտլերականները կենտրոնացրին միայն հայ ռազմագերիներին։ Այստեղ ՀԸՀԿ-ն շարունակում էր իր գործունեությունը և գլխավորապես նույն նպատակներն էր հետապնդում, ինչ Բենիամինովոյում։ Ընդհատակում ընդգրկված նոր անդամներից ակտիվ աշխատանք էին կատարում՝ Ազատ հաշատրյանը, Վահան Պետրոսյանը, Բրեստի ամրոցի քաջարի պաշտպաններից Սոս Նուրիջանյանը և ուրիշներ։

Սակայն, հոկտեմբերին դրությունն անակնկալորեն փոխվեց։ Ազգային դեմարտական ստեղծելու և դրանք Սովետական Բանակի դեմ հանելու նպատակով հիտլերականները հայ ռազմագերիներին բաժանեցին երեք տարբեր խմբերի՝ մեկում համեմատաբար առողջները, որ պետք է լեզիոնի մեջ մտնեին, մյուսում՝ ծերերն ու տկարները, երրորդում՝ հաշմանդամներն ու վիրավորները։ Վերջինների ճակատագիրը մնում էր անհայտ. պարզ չէր, թե ինչ է սպասվում նրանց՝ մահ, թե՛ ճամբարային կյանք։ Նրբ հայտնի դարձավ ֆաշիստների ստոր գիտավորությունը, ՀԸՀԿ-ի բյուրոն իր հերթական անելիքները պարզելու համար նիստի հավաքվեց։ Այն տեղի ունեցավ ռազմագերիներին հատկացված բարաքներից մեկում, այն ժամանակ, երբ ճամբարի հիտլերական անձնակազմը ճաշում էր, իսկ հետո պիտի նրանց հտնաշյա հանդիստը սկսվեր։

Բյուրոյի անդամների կարծիքները բաժանվեցին, վեճ առաջացավ։ «Մենք սովետական ռազմիկներ ենք, և մեր պարտքն է անմիջապես հեռանալ։ Ես չեմ կարող թշնամու համազգեստ կրել։ Ավելի լավ է կործանվել, քան թե այդպիսի խայտառակությունը»,—ասաց բյուրոյի անդամ Դավիթ Մինասյանը։ Նրան առաջինն առարկեց բյուրոյի քարտուղար Ստ. Յաղչյանը։ «Լավ,—ասաց նա,—ենթադրենք, համաձայնվեցինք քեզ հետ և ճամբարից մեղ հետ տարանք ռազմագերիների որոշ մասին։ Իսկ ինչպե՞ս վարվել մնացածների հետ։ Նրանց թողնե՞լ բախտի քմահաճությանը։ Յաղչյանին պաշտպանեց բյուրոյի մյուս անդամը՝ Վահան Վարդանյանը։ «Մենք բոլորիկներ ենք և պետք է սկսած դորժ բոլոր պայմաններում հասցնենք մինչև վերջ»,—նրանց միացավ Ավետիս Կարապետյանը<sup>14</sup>։

Երկար վիճաբանությունից հետո բյուրոյի մեծամասնությունը որոշեց մնալ ճամբարում, շարունակել ընդհատակյա աշխատանքը, կազմակերպել ու գլխավորել ռազմագերիների պայքարը, իսկ եթե սովետական քաղաքացիներին հարկադրաբար «ֆելդդեմարտականներ» քշեն, ապա աշխատանքը շա-

14 Տե՛ս Сборник «О чем не говорилось в сводках», с.р. 353.

րունակել նրանցում և հիտլերականների դեմ ուղղել նրանց իսկ զենքը<sup>15</sup>։ Հաջորդ օրը բյուրոյի որոշումը հայտնի դարձավ բոլոր ընդհատակայիններին։

Հայ ռազմագերիներին տարբեր խմբերի բաժանելը և դրանք իրարից մեկուսացնելը ՀԸՀԿ-ի համար դժվարին կացություն էր ստեղծել։ Ընդհատակի ակտիվ գործիչները մասնատվել էին միմյանցից, ուժերը ցրվել էին, անհնար էին դարձել համատեղ գործողությունները։ Այդ առթիվ բյուրոն որոշեց ամեն կերպ ընդհատակի ուժերը համախմբել գլխավոր օղակում՝ ռազմագերիների առաջին խմբում, որը, ինչպես հաջողվեց վերջնականապես պարզել, իրոք նախատեսվում էր ազգային գումարտակ (լեգեոն) ստեղծելու համար։ Այստեղ օգնության հասան առաջին խմբի հայրենասեր ռազմագերիները, որոնք ֆաշիստներին հայտնի իրենց միակ տարբերանշանները՝ համարները փոխանակեցին երկրորդ և երրորդ խմբերն ընկած ակտիվ ընդհատակայինների հետ և սրանց հնարավորություն տվեցին առաջին խումբն անցնել։ Դրանից առաջ այդ խմբերում ստեղծվեցին ընդհատակյա հակաֆաշիստական բջիջներ։

Մի քանի օրից հետո հիտլերականները հայ ռազմագերիների առաջին խումբը խիստ հսկողության տակ փոխադրեցին Պուլավիի ուսումնա-վարժական կայանը։ Այստեղ իշխում էր ֆաշիստական նույն ռեժիմը, ինչ որ ճամբարում, միայն այն տարբերությամբ, որ սնունդը փոքր ինչ տանելի էր։ Շուտով ռազմագերիների քրքրված արտահագուստը փոխարինվեց գերմանական գորշ, կիսամաշ համազգեստներով, իսկ հետո ֆաշիստները բացահայտ կերպով հայտարարեցին «ֆելդգումարտակ» ստեղծելու մասին։ Հարցն այսպես էր դրված՝ կամ ազգային գումարտակ, կամ մահ։ Այդպես, մահվան սպառնալիքի տակ ծնվեց հայ ռազմագերիներից բաղկացած հերթական «ֆելդգումարտակը»։

Դա թվով 4-րդ գումարտակն էր, որ ֆաշիստները բռնությամբ ստեղծել էին հայ ռազմագերիներից<sup>16</sup>։ Այստեղ իր ակտիվ գործունեությունը ծավալեց Ստ. Յաղչյանի գլխավորած ընդհատակյա կազմակերպությունը, որն այդ ժամանակ իր շարքերում արդեն ուներ 120 անդամներ։ Կազմակերպության նոր անդամներից ընդհատակյա ակտիվ գործունեություն էին ծավալում Բարեկամ

<sup>15</sup> М. Епископосов. Путь мужества, «Огонек», 1957, № 19, стр. 21.

<sup>16</sup> Մենք ղեկուս բավարար տեղեկություններ չունենք նախորդ երեք գումարտակների ճակատագրի մասին։ Վկայություններ կան, որ ֆաշիստներին չի հաջողվել այդ գումարտակները ես ղուրս բերել սովետական ժողովրդի դեմ։ Դա մասնավորապես վերաբերում է առաջին գումարտակին, ուր ընդհատակյա կազմակերպություն կար։ Որքան մեղ հայտնի է հետագայում նրանում ղեկավար ղեր էին կատարում ծնոք հաշատրյանը, Ժորա Դրիգորյանը, Սերգո Բարսեղյանը, Արմո Ավետիսյանը և ուրիշներ։ հաշատրյանը, Ստ. Յաղչյանի վկայությամբ, 1942 թ. սեպտեմբերից կապ ուներ իր ղեկավարած ընդհատակյա բյուրոյի հետ։ Առաջին գումարտակի ակտիվ ընդհատակայիններից Ի. Անդրեասյանի, Լ. Հովհաննիսյանի և ուրիշների հուշերը պատմում են, որ գումարտակն ուղարկվելով ռազմաճակատ, Սովետական Բանակի դեմ մարտի պիտք է մտցվել Մայկոպի տեղամասում։ Ընդհատակը ապստամբության նախապատրաստվելով, մտադիր էր առաջին իսկ օրը անցնել մերոնց կողմը։ Սակայն մատնության հետևանքով ապստամբությունը ձախողվեց։ Հիտլերականները ձերբակալելով ընդհատակայիններին, կախաղան հանեցին նրանց ղեկավարներին, իսկ մնացածներին ղինաթափ անելով ֆաշիստական զինաները նետեցին։ Այդ մասին տե՛ս «Советская историческая энциклопедия»-ի առաջին հատոր, էջ 614։ Այդ գումարտակի ընդհատակայինների գործունեությանն է նվիրված «Առաջինների ճակատագիրը» խորագրով մեր վավերագրական ակնարկը «Ավանդարդ» թերթի 1962 թ. հունիսի 21-ի համարում։

Մկրտչյանը, Ռուբեն Դանիելյանը, Մինաս Մինասյանը, Հրանտ Հայրապետյանը և ուրիշներ:

Նոր իրադրությունը նոր խնդիրներ դրեց ընդհատակի առջև. ֆաշիստների զենքը նրանց իսկ դեմ ուղղելու նպատակը նախ և առաջ թելադրում էր ստեղծվող նոր գումարտակի հրամանատարական պոստերը գրավել: Դա անհրաժեշտություն էր: Առանց դրան հնարավոր չէր գումարտակը քաղաքականապես և կազմակերպորեն նախապատրաստել առաջիկա ելույթին՝ լինի դա արևելյան (սովետա-գերմանական) ճակատ ուղարկվելու, թե Լեհաստանում երկար ժամանակ պահվելու դեպքում: Այդ գլխավոր խնդրի իրագործման հնարավորությունը շուտով ընձեռնեցին իրենք գերմանացիները:

Բանն այն է, որ ֆաշիստներն իբրև կանոն ստեղծվող ազգային գումարտակների հրամանատարներ էին նշանակում հենց գերմանացի զինծառայողներին, որոնք անկարող էին կարողացնել իրենց անել գերմաներեն բոլորովին չմասցող անձնակազմին: Ստեղծված դրությունից դուրս գալու համար հիտլերականները հարկադրված էին գերմանացի հրամանատարների օգնականներ նշանակել ռազմագերիներից, որոնք նախնական որոշ դասընթացներ էին անցնում: Դրանք որևէ լուրջ իրավունքով չէին օժտվում և սոսկ փոխանցում էին գերմանացի հրամանատարների կարգադրությունները, բայց այդ պոստերում իր մարդկանց ունենալով, ՀԸՀ-ն զգալիորեն կհեշտացներ ընդհատակյա աշխատանքները: Ահա ինչու, երբ գերմանացիները սկսեցին ռազմագերիներից մարդիկ ընտրել կրտսեր հրամանատարական դասընթացների համար, ընդհատակյա բյուրոն հանձնարարեց մի խումբ վստահելի մարդկանց սովորելու ցանկություն հայտնել: Այդպես ակտիվ ընդհատակայիններ Վահան Վարդանյանը (Ոսկանյան), Արտեմ Բաբայանը, Իոսիֆ Կոզանը (Միքայել Մարկոսյան), Ալեքսանդր Վարդանյանը, Միշա Սահյանը, Ավետիս Կարապետյանը մտան մոտ 40 հոգուց բաղկացած այն խմբի մեջ, որ հիտլերականները ուղարկեցին սովորելու: Կրտսեր հրամանատարների դասընթացներն անց էին կացվում Վարչավայից ոչ հեռու գտնվող Լիզինովո գյուղաքաղաքում:

Մի որոշ ժամանակ անց հիտլերականները, շուտով խոստումներով առաջարկեցին սովետական կադրային սպաներ Ստ. Յաղչյանին, Ալ. Ղազարյանին և Դ. Մինասյանին հատուկ դասընթացներ անցնել Բեռլինում: Ընդունել այդ առաջարկը նշանակում էր ուժերը ցրել, առանց ղեկավար կենտրոնի թողնել ընդհատակը: Ուստի, բյուրոն խորհուրդ տվեց զգուշությամբ մերժել այդ առաջարկը: Յաղչյանը պատճառաբանեց վնասված ոտքը, Ղազարյանը վկայակոչեց գլխից և ծոծրակից ստացած վերքերը, իսկ Դ. Մինասյանը՝ ծայրաստիճանի լուծվածությունը: Այդպես հաջողվեց խուսափել հատուկ դասընթացներից, բայց անհնար դարձավ միասին մնալ: Ֆաշիստները Ղազարյանին ու Մինասյանին ետ ուղարկեցին Դեմբելինի ճամբարը, իսկ Յաղչյանին սկսեցին բացահայտ կասկածով վերաբերվել:

Երկու ամսից հետո դասընթացներից գումարտակ վերադարձան բոլորը և հրամանատարների օգնականների պոստեր ստանձնեցին: Դրանցից նրանք, ովքեր ՀԸՀ-ի անդամ էին տարբեր վաշտերում գտնվելով, իրենց շուրջը համախմբեցին հայրենասեր ու վստահելի ռազմագերիներին: Հակաֆաշիստական ընդհատակյա աշխատանքը նոր թափ ստացավ:

Այդ ժամանակից սկսած ՀԸՀ-ի բյուրոն դարձավ կենտրոնական: Նրա ղեկավար ընդհատակյա ղեկավար օղակներ ստեղծվեցին գումարտակի առան-

ձին վաշտերում ու դասակներում: Սրանց ընդհանուր ղեկավարությունն ապահովում էր կենտրոնական բյուրոն, որն իր կապերն ուներ նաև Դեմբրինում գտնվող ընդհատակայինների հետ:

Իր առջև ունենալով նույն խնդիրները, ինչ-որ Դեմբրինում, Հակաֆաշիստական ընդհատակյա հայրենասիրական կազմակերպությունն իր զխավոր խնդիրն էր համարում գումարտակը զինված ապստամբության նախապատրաստելը:

Ահա ինչ է գրում իր դասակում կատարված ընդհատակյա աշխատանքների մասին դասակի հրամանատարի օգնական, կենտրոնական բյուրոյի անդամ Ավետիս Կարապետյանը.

1. Դասակում ստեղծեցի ակտիվ և նրանց զինեցի ընտիր զենքերով:

2. Ընդհատակյա կազմակերպության մեջ ընդունեցի Միխայիլ Ասրեկին, Գրիգորյանին, Բաղդասարյանին, Սարգիս Կարապետյանին և ուրիշների: Նրանց հանձնարարեցի իրենց ջոկատներում ու դասակներում հակաֆաշիստական աշխատանք ծավալել:

3. Դասակում գաղտնի կազմակերպության անդամներից ստեղծեցի հատուկ մի խումբ, որը հարկ եղած դեպքում պետք է անմիջապես ոչնչացնեի դասակի գերմանական անձնակազմը:

4. Սովորեցրի, թե ինչպես քանդել գերմանական զենքերը և, մաս-մաս կարելով շինելի աստառին, ճամբարից դուրս տանել, որպեսզի, եթե չհաջողվի ապստամբության հանել լեզեռնը, ընդհատակն իր տրամադրության տակ որոշ քանակով զենք և զինամթերք ունենա:

5. Հանձնարարեցի ակտիվ ընդհատակայիններ Պանդուխտ Մելոյանին և Ազատ Խաչատրյանին, հակաֆաշիստական աշխատանք կատարել 2-րդ վաշտում<sup>17</sup>:

Իր վաշտում կատարված ընդհատակյա հակաֆաշիստական աշխատանքների մասին պատմելով, Արտեմ Բաբայանը նկատում է. «Մեր կազմակերպության աշխատանքն այդ ժամանակ այնքան որոշակի ու կայուն բնույթ էր ստացել, որ մենք հնարավորություն ստացանք զործողությունների կոնկրետ պլան մշակել: Բմ վաշտում մասնավորապես առանձնացված էին հատուկ մարդիկ, որոնք ազդանշան տրվելուց, անմիջապես պետք է ոչնչացնեին վաշտի գերմանական անձնակազմը... Ամբողջ վաշտը պատրաստ էր կատարելու ընդհատակյա կազմակերպության առաջադրանքը...»<sup>18</sup>:

Կենսագործելով իր առջև դրված կարևոր խնդիրներից մեկը, ՀՀՀԿ-ն կապ հաստատեց լեհական ընդհատակի հայրենասիրական ուժերի հետ: Այդ կապն առաջինն հաստատեց ակտիվ ընդհատակային Ստեփան Տեր-Գրիգորյանը: Մի հայ ռազմագերի բժշկի հետ, բուժ գործի զրկվածքին ծանոթանալու պատրվակով, նա եղավ Պուլավիի քաղաքային պոլիկլինիկայում, ուր հանդիպեց այնտեղ աշխատող բուժքույր Նլենա Դմիտրենա Բավիոնիկին, որը կապ ուներ լեհ ընդհատակայինների հետ<sup>19</sup>: 1942 թ. աշնանը ստեղծված այդ կապը հետըղ-

<sup>17</sup> Ա. Կարապետյան, հուլիս, էջ 21—23: Այս հուլիսը բաղկացած են մեկ ընդհանուր և երկու սովորական տներներից (ընդամենը 129 էջ):

<sup>18</sup> Ա. Բաբայան, հուլիս, էջ 8: Արտեմ Բաբայանի հուլիսը գրված են ուսերեն, բաղկացած են մեթենագրված 15 էջից:

<sup>19</sup> Տե՛ս Լ. Դ. Բավիոնիկի հուլիսը և «Советская историческая энциклопедия», т. I, стр. 614.

Հետև ընդլայնվեց: Այնուհետև լեհական ընդհատակի և Պուլավի մոտակայքում զործող լեհ պարտիզանների հետ կապ են հաստատել Ա. Կարապետյանը, Մ. Մարկոսյանը (Բ. Կոզան), Վ. Վարդանյանը, Ա. Բարայանը և ուրիշներ: Նրանք ընդհատակի հանձնարարություններ հանդիսանում են ունեցել լեհ պարտիզան Վետչիկի, ընդհատակյա զործիչներ Անտոն Սորիխի, Մարիայի, Ռուդենկոյի և այլոց հետ<sup>20</sup>: Շուտով այդ կապը զործնական բնույթ ստացավ. ընդհատակը զինք ու զինամթերք էր հայթայթում լեհ հայրենասերների համար, իսկ սրանք իրենց հերթին լուրեր էին հաղորդում ռազմաճակատում տիրող իրադրության, թշնամուն՝ Կարմիր Բանակի հասցրած հարվածների մասին և միաժամանակ օգնում առանձին ռազմազորիների և նրանց փոքր խմբերի փախուստներին հիտլերյան ճամբարից, թաքցնում նրանց, ապա օգնում միաՆալու ֆաշիզմի դեմ մարտնչող լեհ պարտիզանների խմբերին: Յուրայինների մասին լուրերն ու հաղորդումները հսկայական շափով բարձրացնում էին ռազմազորիների հոգևիճակը, ամրապնդում նրանց հավատն ու վճռականությունը, խթանում ընդհատակյա աշխատանքները:

1942 թ. վերջին և 1943 թ. սկզբներին զգալիորեն ավելացավ ՀՀՀԿ-ի անդամների թիվը: Դա ոչ միայն տեղի ունեցավ նվիրված, հայրենասեր մարդկանց շարունակ իրենց շուրջը համախմբող Պուլավի ընդհատակայինների ջանքերի, այլև Դեմրիինում գտնվող ՀՀՀԿ-ի անդամների եռանդուն գործունեության շնորհիվ: Այստեղ ևս ընդհատակյա բյուրոյի անդամներ Ալ. Ղազարյանին և Ի. Մինասյանին հաջողվեց իրենց շուրջը համախմբել հայրենասեր ուժերին և նրանց միջոցով հավաքադրել վստահի մարդկանց, որոնք հետագայում Պուլավի փոխադրվելուց անմիջապես հետո կապվում էին կենտրոնական բյուրոյի անդամների և ակտիվ ընդհատակայինների հետ:

ՀՀՀԿ-ի բյուրոյի Դեմրիինում գտնվող երկու անդամների առջև ծառացած կարևոր հարցերից մեկը Սովետական Բանակի նախկին քաղաշխատողներին հիտլերականների հետապնդումներից ու հալածանքներից պաշտպանելն էր: Այդ ուղղությամբ ևս նրա ակտիվ անդամներին հաջողվեց որոշակի քայլեր կատարել: «...Դեմրիինում,—պատմում է Ալ. Ղազարյանը,—մեզ հաջողվեց հիտլերյան ոստիկանների ձեռքը հեռացնել զերմանացիների բռնած քստներկու սովետական քաղաշխատողներից, որոնց մեծամասնությունը վրացիներ էին: Սկզբում ուզում էինք նրանց փախուստը կազմակերպել ուղղակի ճամբարից, բայց դա անհնար դուրս եկավ: Այն ժամանակ որոշեցինք քաղաշխատողներին մտցնել բանվորական դումարտակի մեջ... Սակայն քաղաշխատողներին բանվորական դումարտակ չէին նշանակում: Այդ քաղաշխատողների փախուստին օգնելու համար քստներկու հայ ռազմազորիներ ճամբարային իրենց համարները փոխանակեցին քաղաշխատողների հետ: Եթե հիտլերականներին հաջողվեր րացահայտել այդ թակարդը, ապա նրանք դաժանորեն հաշվի կտեսնեին թե նրանց և թե մյուսների հետ: Բայց, բարեբախտաբար, ամեն ինչ բարեհաջող վերջացավ: Բանվորական դումարտակի հետ քաղաշխատողները դուրս

20 Նույն տեղերում և Ստ. Յաղչյանի, Ա. Կարապետյանի, Ի. Կոզանի, Ա. Բարայանի հուշերը: Հեհական ընդհատակի հետ հայ ռազմազորիների ունեցած անլիզալ կապերի մասին առժեքավոր վկայություններ է պարունակում նաև սլովակացի Ռոմուալդ Մադուրկեի նամակը, որը կրճատումներով հրապարակել ենք «Ավանդադ» թերթի այս տարվա № 74-ում:

21 Ընդհատակայինների ընդհանուր թվի մասին տարբեր ընկերներ տարբեր թվեր են հաղորդում: Դրանք տատանվում են 400—450-ի միջև:

եկան ճամբարի սահմաններից, և նրանց բոլորին հաջողվեց փախչել»<sup>22</sup>:

Ակտիվ ընդհատակայինների գործունեությունը Դեմբլինի ճամբարում բնավ չէր սահմանափակվում դրանով: Այն կրում էր ավելի լայն բնույթ և մեծապես նպաստում էր Պուլավիի Կենտրոնական բյուրոյի աշխատանքներին: «Մենք,—գրում է Ղազարյանը,—ընտրում էինք հավատարիմ մարդկանց, որոնք մեր առաջադրանքով ռազմագերիներին նախապատրաստում էին պարտիզանների կողմն անցնելուն: Այդ աշխատանքը ես և ընդհատակյա բյուրոյի երկրորդ անդամը՝ Դավիթ Մինասյանը կատարում էինք Դեմբլինի ճամբարում: Այն ռազմագերիներին, որոնց ֆաշիստները հարկադրաբար լեգեոնի մեջ մտցրնելու համար կազմավորման կայան էին քշում, մենք նշանաբան էինք տալիս, որպեսզի նրանք կարողանան կապվել կազմավորման կայանում գտնվող Ստեփան Յաղջյանի հետ: Նշանաբանը մենք ընտրել էինք հարազատ Կոզկասի լեռան անունները՝ Մասիս և Արարատ: Վստահություն ներշնչող և մեր կողմից ստուգված մարդը պետք է Ստեփան Յաղջյանին հանդիպելիս ասեր «Մասիս» և ստանար՝ «Արարատ» պատասխանը: Դրանից հետո Ստեփան Յաղջյանն անհրաժեշտ տեղեկություններ էր ստանում ռազմագերիների մասին: Այսպես շարունակվեց մի քանի ամիս»<sup>23</sup>:

Սակայն գործում էր նաև ֆաշիստական ագենտուրան: Որքան էլ կոնսպիրացված էին ընդհատակյա աշխատանքները, հիտլեբեականներին հաջողվեց շոշափել լեգեոնում ծավալվող գաղտնի գործունեության ինչ-որ հետքեր: Դասկավեց այն բանից, որ գումարտակի հիտլերյան հրամանատարությանը, մատնության հետևանքով, հայտնի դարձավ, որ Միքայել Մարկոսյան անվան տակ թաքնված է հրեա սովետական սպան: Մինչ ֆաշիստները կծեբբակալեին հայրենասեր սպային, ընդհատակը կազմակերպեց Իոսիֆ Կոզանի փախուստը Պուլավիի ուսումնա-վարժական կայանից: Դա արվեց Ստ. Յաղջյանի ցուցումով, ընդհատակայիններ Ալեքսանդր Վարդանյանի, Հարություն խաչատրյանի, Ավետիս Կարապետյանի, Արտեմ Բաբայանի, Վահան Վարդանյանի և Միշա Սահյանի միջոցով:

Ակտիվ ընդհատակայինի կյանքը փրկվեց<sup>24</sup>, բայց դա առիթ եղավ, որ նույն

22 А. А. К а з а р я н, За правое дело. См. сборник «О чем не говорилось в сводках». Воспоминания участников движения сопротивления, М., Госполитиздат, 1962, стр. 354—355.

23 А. К а з а р я н, Мужество побеждает, «Советская авиация», 1957 г., 17-го мая.

24 Իոսիֆ Կոզանը (Միքայել Մարկոսյանը) 17 տարի շարունակ չգիտեր իր կյանքը փրկած մարդկանց ճակատագրի մասին: Միայն 1960 թ. նրան հայտնի դարձան հիտլերյան ճամբարների իր մարտական ընկերների հասցեները: Մայիսին նա եկավ Նրևան, եղավ Թբիլիսիում, հանդիպեց իր հայ ընկերներին: Պարզվեց, որ նա Պուլավիի ուսումնա-վարժական կայանից փախչելուց հետո կարողացել է թաքնվել հետապնդող ֆաշիստներից, ապա միանալ լեհական պարտիզանական այն խմբին, որի հրամանատարը հայտնի էր Վետչիկ մականունով: Մի քանի ամիս լեհ հայրենասերների հետ ֆաշիստների դեմ պայքարելուց հետո, Կոզանը լեհաստանից անցել է Ուկրաինա, միացել սովետական պարտիզաններին և շարունակել իր ակտիվ մարտական պայքարը ֆաշիզմի դեմ: Նրբ պարտիզանական միավորումը, Ուկրաինայի ազատագրումից հետո միացավ Կարմիր Բանակին, Կոզանը սովետական զորամասերի շարքում մարտերով հասավ մինչև Պրագա: Նրա կուրճը զարդարված է մարտական քաղաքոթույնների համար ստացած Կարմիր Աստղի և Հայրենական Պատերազմի առաջին աստիճանի շքանշաններով: Այժմ նա աշխատում է բնակվում է Ուկրաինական ՍՍԻ-ի Խմելնիցկու մարզի Ստարոկոստանտինովո քաղաքում (տե՛ս Ի. Կոզանի փաստաթղթերի լուսանկարչական պատճենները և հուշերը՝ բաղկացած 33 էջից, նաև «Երևան», 1960, մայիսի 26, «Радянське Поділля», Хмельницький, 1960, 31 липня Коммунист», Ереван, 1961, 6-го мая և այլն):

օրը՝ 1942 թ. փետրվարի 22-ի գիշերը, ֆաշիստները ձերբակալեն արդեն կասկածի տակ գտնվող 15 ընդհատակայինների: Նրանց մեջ էին՝ Ստ. Յաղչյանը, Ավետիս Կարապետյանը, Վահան Վարդանյանը, Արտեմ Բաբայանը, Ալեքսանդր Վարդանյանը, Բարեկամ Մկրտչյանը, Ռուբեն Դանիելյանը և ուրիշներ: Ծանր հարված էր իջել ամբողջ ընդհատակի վրա:

Երկու շաբաթ տևեց ամենադաժան միջոցներով կատարվող հարցաքննությունը: Ֆաշիստները դիմում էին ամեն միջոցի, որպեսզի ընդհատակյա կազմակերպության մասին տեղեկություններ կորզեն: Բայց ապարդյուն: Ձերբակալվածները ցուցաբերեցին պողպատյա կայունություն, կամքի մեծ ուժ, խորը գաղտնապահություն: Ապարդյուն անցան նաև իրար հաջորդող խուզարկություններն ամբողջ վարժակայանում: Ստույգ տեղեկություններ չունենալով ընդհատակի մասին և չկարողանալով ընկճել ձերբակալվածներին, գերմանացիները ստիպված եղան կալանավորներից ութին, դրանց թվում նաև Ստ. Յաղչյանին, լեզեոն վերադարձնել:

Մաբտին տեղի ունեցավ կալանքի տակ պահվածների դատավարությունը: Ֆաշիստական զինվորական տրիբունալի առջև հանգնեցին սովետական յոթ հայրենասերներ, որոնք «որպեսզի ընկերներից հարվածը վանեն, նրանց ազատեն խոշտանգումներից և թաքցնեն խնամքով նախապատրաստված գործը, «մեղքն» իրենց վրա վերցրին»<sup>25</sup>, հայտարարեցին, որ իրենք մտադիր էին փախչել ճամբարից: Նրանցից երկուսը՝ Ավետիս Կարապետյանը և Բարեկամ Մկրտչյանը դատապարտվեցին զնդակահարության<sup>26</sup>: Ավետիս Կարապետյանը ոչ միայն վայրենի հարցաքննության ու դատավարության ամբողջ ընթացքում, այլև զնդակահարության դատապարտվելուց հետո էլ իրեն զրսևորեց իբրև կայուն, անհողողող կոմունիստ: Բանտում անցկացրած վերջին օրը նա պատի վրա մակագրեց հետագայում հայտնի դարձած և պայքարի կոչ անող հետևյալ խոսքերը՝ «Армяне! Армения останется свободной республикой только при советском строе. Боритесь за Советскую власть!»<sup>27</sup>:

Մյուս ընդհատակայինները՝ Վահան Վարդանյանը, Արտեմ Բաբայանը, Հովհաննես Բոշիկյանը, Ալեքսանդր Վարդանյանը, Ռուբեն Դանիելյանը դատապարտվեցին տարբեր ժամկետներով բանտարկության<sup>28</sup>: Նրանք մեղադրվեցին հակաֆաշիստական պրոպագանդա մղելու, փախչելու նախապատրաստության, ինչպես նաև հրեա Ի. Կոզանի փախուստը կազմակերպելու համար: Լամբողջ դատավարության ընթացքում Պուլավիի ուսումնա-վարժական կայանն ամբողջապես մեկուսացված էր արտաքին աշխարհից<sup>29</sup>:

Դրանով, սակայն, ֆաշիստները չսահմանափակվեցին: Բնավ չվերացավ կասկածը 4-րդ գումարտակում տարվող հակաֆաշիստական աշխատանքների նկատմամբ: Թեև հիտլերականները չկարողացան դա փաստերով հաստատել:

25 «Комсомолец», 1958 г., № 27, статья «Четвертый эшелон».

26 Հետադալում մահվան դատավճիռը փոխարինվեց 10—12 տարվա բանտարկության: Մինչև պատերազմի հաղթական ավարտը՝ չորս երեք տարի Ավետիս Կարապետյանը անց է կացրել ֆաշիստական զնդաններում: Բարեկամ Մկրտչյանի ճակատագիրն անհայտ է:

27 «Огонек», 1957 г., № 19, стр. 21.

28 Դատապարտված այդ հինգ ընդհատակայիններից ողջ են մնացել Արտեմ Բաբայանն ու Վահան Վարդանյանը: Մյուսների ճակատագիրը դարձյալ մնում է անհայտ: Անթադրվում է, որ նրանք չլիմանալով բանտային դաժան պայմաններին, զոհվել են ֆաշիստական զնդաններում:

29 Տե՛ս Ստ. Յաղչյանի, Ա. Կարապետյանի, Ա. Բաբայանի հուշերը:

բայց ակնառու դարձավ, որ գումարտակն իբրև մարտական միավորում, որը կարելի է սովետական ժողովրդի դեմ դուրս բերել, պիտանի չէ։ Շուտով դումարտակի ամբողջ հայ կրտսեր հրամկազմը և կասկածելի լեզդիոնականների մի մեծ խումբ, թվով 74 մարդ, Պուլավիից ուղարկվեց մահվան ֆաշիստական ճամբարները<sup>30</sup>, իսկ մայիսին գումարտակը վերակազմավորվեց և արևելյան ճակատ ուղարկելու փոխարեն, Հոլանդիա տարվեց։ Այստեղ էլ ֆաշիստներին չհաջողվեց սովետական մարդկանց ֆաշիզմի դեմ պայքարող ուժերի դեմ հանել։

Ակտիվ ընդհատակայիններին ձերբակալելն ու նրանց մի մասին ֆաշիստական զնդանները նետելը լուրջ հարված էր ընդհատակի համար, բայց այն միաժամանակ լուրջ փորձություն էր ՀԸՀԿ-ի համար, և ընդհատակայինները հիանալի բռնեցին այդ քննությունը։

Ուժերը, ճիշտ է, ջլատվեցին, սակայն ընդհատակայինները շոշափելի զգացին իրենց զորությունը, բնավ չընկճվեցին։ Շուտով Պուլավիի ուսումնավարժական կայանում ընդհատակյա գործունեությունը նորից ծավալվեց, բայց ավելի կոնսպիրացված, ավելի զգույշ։ Ընդհատակի մեջ տարբեր ժամանակներում ներգրավված նոր մարդկանց թվումն էին Արփիար Մարտիրոսյանը, Վահան Պետրոսյանը, Միհրան Եղիազարյանը, Երանոս և Դավիթ Կոստանդյան եղբայրները, Վահան Օհանյանը, Պարզև Մալխասյանը, Արշավիր Տեր-Կարապետյանը, Երվանդ Ղևոնդյանը, Հակոբ Հակոբյանը, Ժորա Հակոբջանյանը, Սերգեյ Բագրատյանը, Տիգրան և Պետրոս Ամիրխանյան եղբայրները, Վաղինակ Խաչատրյանը, Հայրիկ Եփրեմյանը, Արշակ Հախվերդյանը, Պետրոս Ղազանչյանը, Սիմոն Նարինյանը, Հրանտ Հովհաննիսյանը, Սամսոն Գրիգորյանը, Սիմոն Ֆրանգուլյանը, Իվան Ռավոկը, Լյուդվիգ Հայրումյանը։

Ընդհատակյա աշխատանքների ծավալմանը խթանեց 1943 թ. հուլիսին տեղի ունեցած ընդհատակյա նիստը՝ բաղնիքում, ուր որոշվեց ՀԸՀԿ-ի խնդիրները նոր իրադրության պայմաններում և կոնկրետ հանձնարարություններ տրվեցին ընդհատակայիններին։ Լևոն Տիտանյանն ամրացվեց նոր ստեղծված առաջին վաշտին, Սուխարիչ Հարությունյանը՝ երկրորդին, Ռուբեն Մանուկյանը՝ երրորդին, Արամ Ազոյանը՝ չորրորդին։ Կոնկրետ առաջադրանքներ ստացան նաև Արշակ Հախվերդյանը, Արամայիս Հովսեփյանը, Գրիշա (Գուգուշ) Մինասյանը և ուրիշներ։

Շարադրելով ընդհատակյա կազմակերպության առջև այդ ժամանակ դրված խնդիրները, Լևոն Տիտանյանը գրում է.

1. Ընդլայնել կապերը լեհ հայրենասերների հետ։
2. Գումարտակներում և հավաքակայանի վարժական վաշտերում կազմակերպել ընդհատակայինների նոր խմբեր և հակաֆաշիստական լայն աշխատանքներ ծավալել։
3. Նվնդել ստեղծված իրադրությունից և հաշվի առնելով փորձը, նախապատրաստել և կազմակերպել ռազմագերիների փոքր խմբերով փախուստի լեհ պարտիզանների մոտ։ Նրանց խնդիրը համարել անհրաժեշտ բազա նախապատրաստելն՝ ամբողջ վարժակայանի անձնակազմի փախուստի և պարտիզանական գործողությունների համար։

<sup>30</sup> Դ. Մինասյանի պատմածից։

4. Ամեն կերպ և բոլոր պայմաններում խանգարել գերմանացիներին՝ իրենց ստոր նպատակների համար օգտագործել սովետական մարդկանց<sup>31</sup>։

Դեռ 1943 թ. սկզբներին ֆաշիստները կազմավորել էին դարձյալ հայ ռազմագերիներից բաղկացած 5-րդ և 6-րդ գումարտակները։ Կենտրոնական ընդհատակյա բյուրոյին հաջողվեց կարճ ժամանակամիջոցում այդ գումարտակներում ստեղծել ընդհատակյա խմբեր, որոնք աստիճանաբար ընդլայնվելով, ամրացան ու լայն աշխատանքներ ծավալեցին։

«Հինգերորդ գումարտակում,—գրում է Ստ. Յաղչյանը,—ընդհատակյա աշխատանքները ղեկավարում էին գեռես Բենիամինովիչի համակենտրոնացման ճամբարից ՀԸՀ-ի անդամներ, գումարտակային կոմիսար Մկրտիչ Գրիգորյանը, քաղցեկ Արամ Ավետիսյանը։ Հետո այդ գումարտակում տարվող ընդհատակյա աշխատանքներում ներգրավվեց Ռուբեն Մանուկյանը... Այդ ժամանակ 5-րդ գումարտակը գտնվում էր Լեհաստանի Զամոստիյե և հոլմ քաղաքներում... Հինգերորդ գումարտակում ծավալված զաղտնի աշխատանքներին ակտիվորեն մասնակցում էր նաև Հարություն հաշատրյանը<sup>32</sup>։ Այդ գումարտակի ակտիվ ընդհատակայիներից էին նաև Աշոտ Սնդիբարյանը, Սուրեն Թադևոսյանը, Սանասար Հարությունյանը, Գուլիշանովը և ուրիշներ։

Սկզբնական շրջանում այս գումարտակում ևս ընդհատակյա աշխատանքների գլխավոր նպատակն էր հայ ռազմագերիներին նախապատրաստել այնպես, որ ռազմաճակատ ուղարկվելու դեպքում նրանք ամբողջ գումարտակով ապստամբեն ֆաշիստների դեմ և անցնեն մեր բանակի կողմը։ Այն բանից հետո, երբ 4-րդ գումարտակը Հոլանդիա ուղարկվեց և պարզ դարձավ, որ գերմանացիները հայկական լեգեոնի նկատմամբ անվստահություններ են ներշնչված, կենտրոնական բյուրոյի ցուցումով 5-րդ գումարտակի ընդհատակայիներն իրենց կարևոր խնդիրը դարձրին ռազմագերիների խմբերի փախուստները լեհ հայրենասերների մոտ։ Դրա համար անհրաժեշտ պայմաններ էին ստեղծվել լեհ ընդհատակայիների հետ թե՛ առաջներում հայ ռազմագերիների հաստատած կապերի և թե՛ հետագայում, արդեն Պուլավիում նրանց հետ պահպանվող սերտ շփումների շնորհիվ։ Ծիշտ է, այդ համագործակցությունը մի քանի անգամ ընդհատվել է, բայց ընդհատակին հաջողվել է կարճ ժամանակից հետո կապերը վերականգնել և պահպանել մինչև հայ ռազմագերիներին Լեհաստանից փոխադրելը։

Այդ գործում, տարբեր ժամանակներում, ակտիվ գործունեություն են ծավալել Արփիար Մարտիրոսյանը, Ռուբեն Մանուկյանը, հետագայում նաև Արամ Ազոյանը, Լևոն Տիտանյանը և մի շարք ընդհատակայիներ։ Լևոն Տիտանյանը մասնավորապես հիշատակում է, որ իրեն հաջողվեց կապ հաստատել նաև ռուս հայրենասերների հետ։ «Մեր կազմակերպությունը,—գրում է նա,—կապեր հաստատեց լեհական պարտիզանների հետ։ Կապեր հաստատեցինք նաև 1917 թվից կոմունիստ, Մոսկովյան երկաթուղու պահակախմբի նախկին հրամանատար Կուլիկովի հետ։ Նա մեզ ամեն օր բերում էր Սովինֆորմբյուրոյի հաղորդագրությունները»<sup>33</sup>։

31 Տե՛ս Լ. Տիտանյան, հուշեր (բաղկացած 27 մեքենագրական էջից), էջ 11։

32 Ստ. Յաղչյան, հուշեր, էջ 8։

33 «Պղնձի ֆրոնտում», Ալավերդի, 1958 թ., № 54, Լ. Տիտանյանի «Թշնամու թիկունքում» հոդվածով։

Բավական մեծ է ֆաշիստական ճամբարներից փախած և լեհ հայրենասերների հետ միասին ֆաշիզմի դեմ պայքար մղած հայ ռազմագերիների թիվը: Դրանցից առաջինների շարքում հիշատակվում է Կոստյա Մարդանյանի անուն ազգանունը: Պուլավիից նա լեհ հայրենասերների օգնությամբ իր ընկերոջ Նիկոլայ Բաղմանյանի հետ միասին փախել է դեռևս 1942 թ. սեպտեմբերին և պարտիզանական ակտիվ պայքար ծավալել նախ Լեհաստանում, ապա և սովետական պարտիզանական միավորումների անձնակազմում<sup>34</sup>: Լեհ ընդհատակայիններից Ծ. Բավիոնիկի հիշատակությամբ այնուհետև ֆաշիստական ճանկերից դուրս է պրծել և լեհ ընդհատակին միացել Միշա անունով մեկը, որը գործում էր լեհ հայրենասեր Սոբեխի հետ: Նա պատմում է նաև Լյուդվիգ Ալեքսանդրի Հայրումյանի փախուստի և պարտիզանական գործունեության, մանրամասնությունների մասին: Հայ ռազմագերիներից,—գրում է լեհ ընդհատակայինը,—փախել ցանկացողներ շատ կային, բայց լեհական ընդհատակայինները «նկատի ունենալով նրանց տեղավորելու դժվարությունները, խորհուրդ էին տալիս փախչելուց ձեռնպահ մնալ և կազմակերպված ձևով բոլորը միասին հանդես գալ ֆաշիզմի դեմ»<sup>35</sup>:

Անկախ դրանից շարունակվում էին ռազմագերիների փախուստները հիտլերյան ճանկերից: Մի քանի մանր խմբերի փախուստ կազմակերպել է Ռուբեն Մանուկյանը, իսկ չորս հոգուց բաղկացած խմբի փախուստը՝ Ռուբիկ Բաբայանի գլխավորությամբ կազմակերպել է Արամ Ավետիսյանը: 12 հոգուց բաղկացած մի խմբով ֆաշիստական ուղից դուրս պրծավ Արամ Վասիլյանը: Խումբն իր հետ տարավ գերմանական զենք ու զինամթերք, նույնիսկ երկու զնդացի: Այն հետագայում միացավ սովետական պարտիզաններին: Հաջող անցան նաև այն մեծ ու փոքր խմբերի փախուստները, որոնցում ղեկավար դեր էին կատարում Աշոտ Մարտիրոսյանը, Նիկոլայ Հայրապետյանը, Աշոտ Ավագովը, Արմո Գալստյանը, Հրաչը (ազգանունը չի հիշատակվում) և Նիկոլայ Խախանյանը<sup>36</sup>:

Գերմանական հրամանատարության բոլոր փորձերը՝ կասեցնել փախուստները, հայտնաբերել դրանց կազմակերպիչներին, հետապնդել և ձերբակալել փախչողներին, երկար ժամանակ ապարդյուն էին անցնում: Նրանց չէր հաջողվում ծուղակի մեջ գցել ընդհատակայիններին, իսկ այդ կատաղեցնում էր ֆաշիստներին: 1943 թ. սեպտեմբերին գերմանական հրամանատարությունը հինգերորդ գումարտակի հրամանատարների հայ տեղակալներին գաղտագողի ձերբակալելու պլաններ էր մշակում: Իմանալով այդ մասին, առաջին վաշտի

34 Կ. Մարդանյանը բանակ է կանչվել 1939 թ., գերվել է 1941 թ. հուլիսի 2-ին, Փախչելով գերությունից, նա լեհ պարտիզանների շարքերում ֆաշիզմի դեմ ակտիվ մարտական գործողություններ է մղել, իսկ 1943 թ. սեպտեմբերից Վ. Ի. Լենինի անվան պարտիզանական բրիգադի կազմում ֆաշիզմի դեմ պայքարել է մինչև 1944 թ. հուլիսի վերջը, երբ միավորումը միացել է մեր բանակին: Գործող բանակից զորացրվել է 1945 թ. նոյեմբերին: Նա պարգևատրված է Կարմիր Աստղի շքանշաններով և ժաշկբեռնական պատերազմի պարտիզան առաջին աստիճանի մեդալով: Այժմ նա Հայկական ՍՍՌ վաստակավոր ուսուցիչ է, աշխատում է Շամշադինի շրջանի Բերդ գյուղի միջնակարգ դպրոցում (տե՛ս Բավիոնիկի և Կ. Մարդանյանի հուշերը՝ բաղկացած 14 էջից): Իսկ Ն. Ա. Բաղմանյանը 1943 թ. հուլիսի 12-ին ֆաշիստների հետ տեղի ունեցած ընդհարման ժամանակ սպանվել է և թաղված է լեհական Բալտով գյուղի գերեզմանատանը:

35 Ծ. Գ. Բավիոնիկի, հուշեր:

36 Տե՛ս Ռ. Մանուկյանի, Լ. Տիտանյանի, Ա. Մարտիրոսյանի, Ստ. Յաղչյանի հուշերը:

հրամանատարի հայ տեղակալ Մկրտիչ Գրիգորյանը, որը և զխավորում էր ընդհատակյա աշխատանքները, Ռ. Մանուկյանի միջոցով կապվեց կենտրոնական բյուրոյի հետ և հայտնեց անհապաղ փախչելու անհրաժեշտության մասին<sup>37</sup>։ Չնայած ֆաշիստների ձեռնարկած բոլոր միջոցառումներին, սովետական քաջարի մարտիկին և նրա հայրենասեր ընկերներին հաջողվեց դուրս պրծնել ֆաշիստական մագիլներից։ «Սեպտեմբերի 6-ին,—գրում է Արամ Ավետիսյանը,—գերմանացիները հասկանալով մեր մտադրությունը, արդեն շրջապատեցին լեգեոնը։ Մեր տղաներից Մկրտիչ Գրիգորյանին և երրորդ վաշտի հրամանատարի հայ տեղակալ Անուշավան Մարտիրոսյանին գերմանացիները ուզում էին բռնել, բայց նրանք ուրիշ յոթ ակտիվ ընդհատակայիների հետ միասին ժամանակին փախան և շուտով միացան պարտիզաններին»<sup>38</sup>։ Հաջորդ օրն իսկ ֆաշիստները, խիստ հսկողության տակ, 5-րդ գումարտակը փակ վագոններում, փոխադրում են Գերմանիա, ապա և Հյուսիսային Ֆրանսիա, ուր ընդհատակյա աշխատանքները ոչ միայն չեն դադարում, այլև նոր ծավալ են ստանում և հասցնում գերմանացիների դեմ զինված պայքարի։

Ֆաշիստական գերությունից փախած հայ ռազմագերիները, Սովետական Միության մյուս ազգությունների ռազմագերիների հետ միասին, վճռական դեր էին կատարում լեհական դիմադրական շարժման մեջ։ Այդ մասին վկայում է լեհ պատմաբան Վլադիսլավ Դուրան, որն իր ուսումնասիրության մեջ մի քանի անգամ մատնանշում է Լեհաստանում գործած պարտիզանական խմբերի կազմում հայ նախկին ռազմագերիների մղած պայքարը։ Նա մասնավորապես հիշատակում է պարտիզանական այն խմբի գործողությունները, որի հրամանատարն էր նախկին ռազմագերի Միշա Պետրոսյանը<sup>39</sup>։

Պուլավիի հակաֆաշիստական ընդհատակյա հայրենասիրական կազմակերպությունն իր լայն գործունեությունը ծավալեց նաև 6-րդ գումարտակում։ Այստեղ ևս ընդհատակյա աշխատանքը ղեկավարում էին ՀԸՀԿ-ի ակտիվ անդամներ Արամայիս Հովսեփյանը, Սուխարիչ Հարությունյանը, Համո Սուքիասյանը, Արամ Ազոյանը, որոշ ժամանակ նաև Ռուբեն Մանուկյանը և ուրիշներ, որոնք իրենց շուրջն էին համախմբել հայրենասիրական ուժերին։ Գումարտակի ընդհատակայիները կենտրոնական բյուրոյի հետ կապ էին պաշտպանում Ստեփան Յաղչյանի, Լևոն Տիտանյանի և Ռուբեն Մանուկյանի միջոցով։

Երկարատև և դժվարին աշխատանքով ընդհատակայիներին հաջողվեց գումարտակում ստեղծել հակաֆաշիստական կայուն կազմակերպություն, որն իր առջև խնդիր էր դրել գումարտակի ամբողջ անձնակազմով ապստամբել ֆա-

37 «Պուլավիում,—գրում է Ստ. Յաղչյանը,—ինձ հետ կապվեց գումարտակային կոմիսար Մկրտիչ Գրիգորյանը և հաղորդեց, որ ընդհատակի ղեկավարների կյանքը վտանգի տակ է, ամեն մի րոպե կարող են ձերբակալել, հարկավոր է օգնել կազմակերպելու ութ հոգու փախուստին նրանց հաղորդեցի նշանաբանը, մարշրուտը և լեհ հայրենասերներին գտնելու տեղավայրը...» («Հուշեր», էջ 9)։

38 Ա. ր. Ավետիսյան, Հուշեր (բաղկացած 13 մեքենագիր էջից), էջ 8։

39 «Լեհ-սովետական պարտիզանական ջոկատների համալրման երկրորդ աղբյուրը,—այնուհետև գրում է լեհ պատմաբանը,—սովետական այն մարտիկներն էին, որոնք փախչում էին ֆաշիստական զինված ուժերից, ուր նրանք հավաքվել էին մահվան սպառնալիքի տակ... Սովետական մարտիկների նշանակալից մասը, առաջին իսկ հարմար պահին փախչում էր պարտիզանների մոտ, որպեսզի մասնակցի հիտլերիզմի դեմ մղվող պայքարին և կատարի իր պարտքը Հայրենիքի առաջ։ Ֆաշիստական գերությունից ու ֆաշիստական վարժակալաններից փախուստները հատկապես մեծ թափ ստացան 1943—1944 թվականներին։

շիստների դեմ և անցնել կամ լեհական դիմադրական ուժերի կողմը, եթե երկար ժամանակ մնալու լինեն լեհաստանում, կամ էլ միանալ սովետական զինված ուժերին, եթե ուղարկեն դեպի Արևելք: Այստեղ ևս դումարտակի հրամանատարական պոստերում գտնվող հայ ռազմագերիները կապված էին ընդհատակի հետ և լիովին համերաշխ էին նրա պլաններին: Դրանցից էին՝ Ժ. Կարապետյանը, Ժ. Բաղդասարյանը, Մ. Սահյանը, Վ. Աբովյանը:

1943 թ. օգոստոսի վերջին ֆաշիստներն այս գումարտակը փոխադրեցին Ժիտոմիրի մարզը, որպեսզի պայքարեն հիտլերյան զավթիչներին օր ու գիշեր հանգիստ չտվող ուկրաինական պարտիզանների դեմ և պարենամթերք հավաքեն բնակչությունից: Դա էլ պայմաններ ստեղծեց ընդհատակի հետապնդած պլանների իրագործման համար: Սեպտեմբերի կեսերին այդ գումարտակի վաշտերից մեկը՝ լեյտենանտ Արամայիս Հովսեփյանի ղեկավարությամբ, իր ամբողջ անձնակազմով (թվով 248 մարդ) և ռազմական հանդերձանքով, դուրս պրծավ ֆաշիստների ճիրաններից և միացավ սովետական պարտիզանական միավորմանը, որի հրամանատարն էր Ա. Ի. Նաումովը<sup>40</sup>: Գումարտակի մյուս երկու վաշտերը զինաթափ են արվել և հատուկ հսկողության տակ ուղարկվել Արևմուտք: Այդ գումարտակից մի ջոկատ ֆաշիստները տեղավորել էին Ժիտոմիրի մարզի Բարիշևկա շրջկենտրոնում, ուր գտնվող հոսպիտալի բուժաշխատողները կապ ունեին սովետական պարտիզանների հետ: Նրանց միջոցով էլ Արամ Ազոյանին հաջողվեց հանդիպել մոտակա անտառներում գտնվող սովետական պարտիզաններին և պայմանավորվելուց հետո, շուտով 80 հոգուց բաղկացած իր խմբով միացավ նրանց<sup>41</sup>:

ՀՀԸԿ-ն 1943 թ. ընթացքում հակաֆաշիստական ընդհատակյա իր գործունեությունը միաժամանակ ծավալեց հենց Պուլավի ուսումնա-վարժական կայանում, ուր գտնվում էր կենտրոնական բյուրոն և նրա քարտուղար Ստ. Յաղչյանը: Ֆրանսերեն, ապա և որոշ չափով գերմաներեն իմանալի Ստ. Յաղչյանին հնարավորություն տվեց շփվել վարժակայանի գերմանացի հրամանատարների, ապա և մտերմանալ գերմանական ծառայության մեջ գտնվող մի շեխ լեյտենանտի հետ: Դա պայմաններ ստեղծեց, որ նա մնա ուսումնա-վարժական կայանում, ուր շարունակ նորանոր մարդիկ էին բերվում՝ ազգային լեզեռնի համար նախապատրաստելու նպատակով, և որոնց հետ Ստեփան Յաղչյանը և նրա մարդիկ շարունակ շփման մեջ էին մտնում, ընտրում վստահելիներին, բացատրում իրադրությունը, կապում ընդհատակի հետ, հանձնարարություններ տալիս, գործի դնում: Այդ շրջանում ևս ընդհատակյա աշխատանքի ամբողջ ոգին, ուղղություն տվող կենտրոնը շարունակում էր մնալ Ստեփան

<sup>40</sup> Մեր ձեռքի տակ են Ա. Հովսեփյանի ինքնագիր, ղեկն անավարտ հիշողությունները (մեքենագրվածը՝ 45 էջ): Նրա վաշտի պարտիզանական գործողությունների մասին պատմող արխիվային նյութեր ևս կան: Սակայն մենք այստեղ չենք պատմում այդ ջոկատում ծավալված ընդհատակյա աշխատանքների և նրա հետագա պարտիզանական գործողությունների մասին, որովհետև այդ հարցերին են նվիրված Ե. Խալեյանի «Ա. Ի. Միկոյանի անվան հայկական պարտիզանական ջոկատի մարտական գործողությունները Ուկրաինայում 1943—1944 թթ.» (տե՛ս «Տեղեկագիր», 1947 թ., № 2, էջ 83—98) և Վ. Ղազարխյանի «Организация армянского партизанского отряда в Житомирской области в 1943 году» (տե՛ս «Տեղեկագիր», հաս. դիտուր., 1962, № 1, էջ 3—16) հոդվածները:

<sup>41</sup> Ա. Ազոյանի պարտիզանական ջոկատը ֆաշիզմի դեմ պայքարել է Շչորսի անվան պարտիզանական միավորման կազմում, նրա հրամանատարն էր Ս. Մալիկովը (տե՛ս Ա. Ազոյանի հուշերը և փաստաթղթերի պատճենները):

Յաղչյանը, որ այդ բարդ պայմաններում դժվարին, ամեն վայրկյան մահ սպառնող գործունեություն էր ծավալում, օրինակ տալիս բոլորին, իրար հետ կապում րնդհատակյա խմբերը, ուղղություն տալիս նրանց աշխատանքին: Այսօր, նախկին ռազմագերիների ու րնդհատակայինների հիշողության մեջ նա մնացել է իբրև ստեղծված բոլոր պայմաններն իր հայրենասիրական նպատակներին ծառայեցնելու րնդունակ, անդադրում գործող, երբեք չընկճվող ու չհուսահատվող, ներքին ինքնավստահությամբ ու սլայծառ հավատով օժտված անձնավորություն, որ հիանալի կոնսպիրատոր լինելով գլուխ էր հանում ամենաբարդ իրադրության մեջ: Նա իր գործունեությունն ավելի եռանդուն ծավալեց այն բանից հետո, երբ ֆաշիստները «սովետական մոյորին» նշանակեցին ուսումնա-վարժական կայանի սանիտարական մաքրությանը հետևող հավաքարարների ավագ:

Այդ ժամանակ էլ Ստեփան Յաղչյանը Վլադիմիր-Վոլինսկու<sup>42</sup> ճամբարից Պուլավի բերված ռազմագերիների մեջ հանդիպեց Բարթոլ Պետրոսյանին, որը հայտնի էր իբրև Հայրենական պատերազմում աչքի ընկած անվախ հրամանատար: Շուտով Բարթոլ Պետրոսյանը, նրա հետ նաև հայրենասեր ռազմագերիներ՝ Պարզև Մալխասյանը, Հապետ Սիմոնյանը, Հակոբ Զոբանյանը, էմիլ Զորյանը, Բաբկեն Հովհաննիսյանը, Վահան Ռոստոմյանը, Աշոտ Ղարդաշյանը, Զավեն Նազարեթյանը, Պետիկ Հարությունյանը, Մանվել Ոսկանյանը, Գուրգեն Բադալյանը, Մկրտիչ Սարգսյանը, Կարապետ Կարապետյանը, Հայկադ Վարդանյանը, Ժորժ Միսկարյանը, Ղազարոս Պողոսյանը, Խրիստ Մանուչարյանը, Մկրտիչ Կարապետյանը, Համազասպ Ավագյանը, Մատթեոս Դանիելյանը, Խաչիկ Համբարձումյանը, Գուրգեն Անտոնյանը, Իսրայել Սարդարյանը և շատ ուրիշներ րնդգրկվեցին ՀԸՀ-ի շարքերը: Հակաֆաշիստական րնդհատակյա կազմակերպությունը, 1943 թ. աշնանը, միախառնվեցին Դեմբլինի կազմալուծված ճամբարից Պուլավի փոխադրված ռազմագերիները՝ Ալ. Ղազարյանի և Դ. Մինասյանի գլխավորությամբ<sup>43</sup>:

Պուլավի Հակաֆաշիստական րնդհատակյա հայրենասիրական կազմակերպության կենտրոնական բյուրոյի մեջ, 1943 թ. օգոստոսին, բյուրոյի քար-

42 Վլադիմիր-Վոլինսկու ճամբարում զննապետ Աշոտ Մաթևոսյանի գլխավորությամբ գործում էր ռազմագերիների հայրենասիրական կազմակերպություն: Այս և Սովետական Միության տերիտորիայում գործած մյուս հակաֆաշիստական րնդհատակյա կազմակերպությունների գործունեությունը դուրս է մնում մեր այս թեմայի շրջանակներից:

43 Դեմբլինում գործող րնդհատակի հիմնական խնդիրներից մեկը, ինչպես պատմում են նրա ղեկավարները, եղել է ղերմանական պրոպագանդիստական դասակի (սՊրոպագոլա) գործունեության ղեմ պայքարելը: Հայ ռազմագերիների հոգեկան մշակման նպատակով ղերելսյան պրոպագանդան ոչ մի ջանք չէր խնայում: Իայց նրա ճիղերը հիմնականում ապարդյուն անցան: Կոնտրապրոպագանդա մղելու հետ միաժամանակ Դեմբլինի րնդհատակը ձախողում էր ֆաշիստական պրոպագանդիստների միջոցառումները, ստահող լուրերին հակադրում Սովետական Բանակի հաղթական հարվածների մասին կոնսպիրացիոն ճանապարհով ստացվող հաղորդագրությունները: Պետրոս Ռոստոմյանը, Արտեմ Կակոյանը, Սիմոն Ֆրանզուզյանը, Ազատ Խաչատրյանը, Շալիկոն պարբերաբար պոկում էին ֆաշիստական պակատները, թուցիկներն ու թերթերը: Ընդհատակայինները կազմակերպել են ռազմագերիների մի քանի փոքր խմբերի փախուստներ Դեմբլինից, քողարկել են հրեա ղերիներին: Դեմբլինից իբրև բանվորական ղումարտակ ղեպի Արենյը ուղարկված ռազմագերիների մի խոշոր խումբ Սերգեյ Հարությունյանցի գլխավորությամբ փախչելով ղերմանացիների մոտից, միացավ սովետական պարտիզաններին: Այդ խմբի գործունեությանն է նվիրված Ս. Հարությունյանցի «По ту сторону фронта» գիրքը, Ереван, 1957, 332 стр.

տուղար Ստ. Յաղչյանից և նրա երկու հին անդամներ Ալ. Ղազարյանից ու Դ. Մինասյանից բացի մտնում էին նաև Բարթուղ Պետրոսյանը<sup>44</sup> և Լևոն Տիտանյանը<sup>45</sup>:

1943 թ. կեսերին ՀԸՀ-ն իր առջև արդեն խնդիր էր դնում լեզեոնը զինված ապստամբության հանել ֆաշիստների դեմ և պարտիզանական պայքար ծավալել: Նախատեսվում էր ապստամբության ազդանշանը տալ լեհական ընդհատակի հետ համաձայնեցված ժամկետում: Սակայն, լեհաստանում այն ժամանակ տիրող իրադրությունը, դիմադրական շարժման ներսում գոյություն ունեցող հակամարտությունները հնարավորություն չտվեցին ապստամբության միասնական դրոշ պարզել զավթիչների դեմ: Այն ժամանակ կենտրոնական բյուրոն կանգնեց ինքնուրույն գործելու փաստի առջև և սկսեց լեզեոնը վճռական ելույթի նախապատրաստել:

Ընդհատակի անդամներից մի քանիսը բյուրոյից հանձնարարություն ստացան զենք հայթայթել: Կատարելով այդ առաջադրանքը, Մարդար Մարգարյանին, Գրիգոր Մինասյանին, Արփիար Մարտիրոսյանին և Սերգեյ Բազրատյանին (Եփրպիլինիկ) հաջողվեց թափանցել Պուլավիի ուսումնա-վարժական կայանի հիտլերյան զինապահեստները և մի քանի ավտոմատներ, հրացաններ, նրոնակներ և բավականաչափ փամփուշտ դուրս բերել: Վարժակայանից աղբ փոխադրող սայլապանի միջոցով այդ զենքի ու զինամթերքի մի մասը դուրս տարվեց լեզեոնի տներիտորիայից և հանձնվեց լեհ պարտիզաններին, իսկ մնացածը՝ թաքցվեց մոտակա անտառում<sup>46</sup>: Զանազան ճանապարհներով ձեռք բերված զենքի ու զինամթերքի մի մասը ընդհատակայինները թաքցնում էին հենց վարժակայանում այս ու այնտեղ հորելով և կամ էլ գերմանացի հրամանատարների մոտ սպասյակի դեր կատարող հայ հայրենասերների օգնությամբ՝ նրանց իսկ բնակարաններում: Մասնավորապես մատնանշվում է, որ Արշավիր Մատուրյանին և Դավիթ Կոստանդյանին այդ ճանապարհով հաջողվեց երկար ժամանակ թաքցրած պահել զինամթերքով բարձած մի վագոնի դատարկման ժամանակ Եզոր անունով ռազմագերու ձեռք բերած ատրճառակներն ու ձեռնա-

44 Բարթուղ Ղազարի Պետրոսյանը ծնվել է 1901 թ., էրզրումի Չֆուլի գյուղում: 1919 թ. ծառայել է հայկական 7-րդ դեղում և մասնակցել ընդհատակյա աշխատանքներին: Ապա նա մտել է 11-րդ Կարմիր Բանակի շարքերը, ակտիվորեն մասնակցել է թաղաքացիական կռիվներին. պայքարել զաշենկցության և բանդիտների դեմ: Կարմիր պարտիզանը ռազմաճակատ է մեկնել Հայրենական պատերազմի առաջին օրերին և մարտական սխրագործությունների համար 1942 թ. պարգևատրվել է Կարմիր Դրոշի շքանշանով: Նրան է նվիրված գրող Հրաչյա Քոչարի գործող բանակից զրված ակնարկներից մեկը, որ կրում է «Հերոսների ծնունդը» ընդհանուր վերնագիրը: Այն «Սովետական Հայաստան» թերթում տպագրվելուց հետո տեղ է գտել համանուն գրքում: Նույն տարվա մայիսին ուշադնաց վիճակում, խարկովի տակ նա գերվել է: Նա պարզևատրված է նաև Ֆրանսիական շքանշաններով: Այժմ աշխատում է Նրթազուովետի «Նրեան» հյուրանոցի դիրեկտորի պաշտոնում: ՍՄԿՊ անգամ է 1928 թ.:

45 Լևոն Միֆայելի Տիտանյանը ծնվել է 1912 թ., Ալավերդու շրջանի Ուղունյար գյուղում: Պատերազմից առաջ նա աշխատում էր ՀԼԿԵՄ Ալավերդու շրջկոմի քարտուղարի պոստում: Կամավոր կերպով բանակ մեկնելով, նա մասնակցեց Սևաստոպոլի հերոսական պաշտպանությանը: Գերվել է գիտակցությունը կորցրած վիճակում հերոս քաղաքը թողնելու ժամանակ: Խույժի ճամբարում նա հայրենասիրական աշխատանք էր կատարում Հայկազ Պողոսյանի, Վասիլ Սարգսյանի, ապա և Արամ Ազոյանի, Գրիշտ Մինասյանի, Արշակ Հախվերդյանի, Վոլոդյա Չորոնովի և Լիպտրիտ Հովհաննիսյանի հետ: ՍՄԿՊ անգամ է 1939 թ.: Այժմ աշխատում է Ալավերդում, իբրև շրջավետի գործկոմի սոցապրամենի վարիչ:

46 Տճ'ս Ռ. Մ ա ն ու կ յ ա ն ի հուշերը (մեթենագրական 44 էջ), էջ 26 և Ս. Բազրատյանի հուշերի սղագրությունը, էջ 13—14:

ոռմբերը, որոնք հետո դուրս տարվելով, հանձնվեցին լեհ հայրենասերներին<sup>47</sup>։

Պատմելով զինված ապստամբության նախապատրաստության մասին, Բարթուղ Պետրոսյանը մատնանշում է, որ ՀԸՀ-ի ակտիվ անդամները բաժանված էին առանձին խմբերի, որոնցից յուրաքանչյուրն ուներ իր ղեկավարն ու կոնկրետ առաջադրանքը, որ պետք է իրագործեր ազդանշան տալու պահին։ Ընդամենը ստեղծված էր այդպիսի 5—6 խումբ։ Դրանց կազմի մեջ մտնողներից մի քանիսն ունեին մարտական զենքեր, իսկ մեծ մասն իբրև զենք պետք է գործածեր կացին, երկաթի կտորներ, դազանակ, լոմ ու բահ։ Նախատեսվում էր նախ և առաջ ոչնչացնել լեգեոնում գտնվող դերմանական հրամկազմը, ապա վարժակալանը հսկող ժամապահներին, ինչպես նաև ֆաշիստներին ծախվածներին։ Ուսումնա-վարժական կայանում գտնվող սակրավորների դասակի հրամանատար Բարկեն Հովհաննիսյանը խնդիր ուներ ապստամբության ազդանշանը տրվելու պահին կտրել հեռախոսալարերը, փչացնել ռադիոկապը, կտրտել փշալարերը, շարքից դուրս բերել մոտակա կամուրջը։

Նախապատրաստվող ապստամբության մասին տեղյակ էին ակտիվ ընդհատակայիները։ Այդ մասին գիտեին նաև ուսումնա-վարժական կայանի տնօրինողներից դուրս գտնվող զումարտակների ընդհատակյա կազմակերպությունների ղեկավարները, որոնք իրենց հերթին պետք է ոտքի հանեին հայրենասիրական ուժերը։ Սկզբում նախատեսվում էր ապստամբության դրոշ պարզել սեպտեմբերի 5-ի գիշերը, բայց այդ օրը վարժակալանում պահակային ներքին ծառայության նշանակվեցին ոչ թե իր մեծ մասով ընդհատակայիներից բաղկացած պահակախումբը, ինչպես սպասվում էր, այլ անվտանգ լի մարդիկ։ Դա ստիպեց հետաձգել ապստամբությունը։ Բսկ մի քանի օր հետո, զրեթե պատահաբար, հայտնի դարձավ, որ Պուլավիի ուսումնա-վարժական կայանը չորս կողմից ականապատված է։ Դա խարխիւեց ապստամբության պլանը։

Այդպես անցավ սեպտեմբերը, իսկ հոկտեմբերի 15-ին ուսումնա-վարժական կայանը շրջապատվեց հիտլերյան հետևակային զորամասերով ու տանկերով, որոնց հրանոթափողներն ուղղված էին վարժակալանին։ Ֆաշիստները վաղ առավոտյան ոտքի հանեցին բոլոր ռազմագերիներին և ուժեղացված հսկողության տակ կայարան քշեցին։ Այստեղից սովետական մարդիկ փակ վազոններով ուղարկվեցին Հարավային Ֆրանսիա, ուր ՀԸՀ-ն իր գործունեությունը վերսկսեց՝ արդեն նոր պայմաններում ու նոր պլաններով։ Այն սլակվեց փայլուն հաջողությամբ<sup>48</sup>։

Եթե ամփոփելու լինենք կոմունիստների զխավորությամբ հայ ռազմագերիների Հակաֆաշիստական ընդհատակյա հայրենասիրական այս կազմակերպության գործունեության առաջին էտապի արդյունքները, ապա կարելի է նշել հետևյալը.

1. ՀԸՀ-ն իր ընդհատակյա գործունեությամբ քայքայեց հայ ռազմագերիներից հարկադրաբար ստեղծած 4-րդ, 5-րդ և 6-րդ զումարտակները և հնարավորություն չտվեց ֆաշիստներին դրանք սովետական ժողովրդի դեմ դուրս բերել։

47 Սոս Նուրիջանյանի պատմածից։

18 1943 թ. վերջին և 1944 թ. առաջին ամիսներին ֆրանսիական Մանգ քաղաքում ՀԸՀ-ի ծավալած ընդհատակյա գործունեությունը դուրս է մնում սույն հոդվածի սահմաններից։

2. ՀՀՀԿ-ի շնորհիվ Դեմքի ղեկավարում և Պոլիտբյուրոյում կենտրոնացված հայ ռազմագերիները շուրջ 17 ամիս գտնվում էին նրա հայրենասիրական հակաֆաշիստական գործունեության ազգեցության տակ և մնացին սովետական հայրենասերներ, հաստատ պահեցին իրենց հավատը սովետական ժողովրդի հաղթանակի նկատմամբ:

3. Ընդհատակը դրեց ֆաշիզմի դեմ հայ ռազմագերիների մասսայական պայքարի սկիզբը և իր անդամներին նպատակամղեց դեպի պարտիզանական պայքարը հիտլերյան զավթիչների դեմ՝ ուր էլ նրանք գտնվելիս լինեն՝ Սովետական Միության տերիտորիայում, թե օկուպացված մյուս երկրներում<sup>49</sup>։ Սովետական պարտիզանների հետ ֆաշիզմի դեմ պայքարելուց բացի «ՀՀՀԿ-ի անդամները մասնակցեցին Հոլանդիայի, Հարավսլավիայի, Հունաստանի, Չեխոսլովակիայի պարտիզանական շարժումներին»<sup>50</sup>։

49 Սովետական Միության տերիտորիայում ՀՀՀԿ-ի անդամների մղած ակտիվ պարտիզանական պայքարի մասին հիշատակվեց հոդվածի ընթացքում։ Ինչ վերաբերում է օկուպացված մյուս երկրների սահմաններում նրանց ծավալած պարտիզանական գործողություններին, ապա համառոտակի նշելիք հետևյալը.

ա) Բանտարկության դատապարտված ՀՀՀԿ-ի անդամներից Արտեմ Բաբայանին հաջողվեց փախչել ֆաշիստական ճիրաններից և միանալ չեխոսլովակյան դիմադրական շարժմանը։ Ստեղծելով սովետական նախկին ռազմաղերիներից բաղկացած հատուկ պարտիզանական ջոկատ, նա ֆաշիզմի դեմ ակտիվ պայքար ծավալեց և իր ջոկատով մասնակցեց Նովա Պակա և Իյիչի քաղաքների ազատագրմանը։ Ֆաշիզմի դեմ նրա մղած ընդհատակյա պայքարի և պարտիզանական ակտիվ գործողությունների մասին են մասնավորապես պատմում Բաբայի «Вспышка» թերթում 1960 թ. հուլիս ամսվա №№ 157—163-ում հրատարակված Ն. Մակեևի ակնարկաշարքը, Չեխոսլովակիայում լույս տեսած «Նրանք մեզ համար խաղաղություն են նվաճել» գրքի հեղինակը, «Преусов» թերթի մայիսի 15-ի առաջնորդողը և այլ աղբյուրներ։ Մեր ձեռքի տակ են Ա. Բաբայանի հուշերը և փաստաթղթերի ու լուսանկարների պատճենները։

բ) Չեխոսլովակիայում պարտիզանական պայքար է ծավալել նաև ՀՀՀԿ-ի ընդհատակյա բյուրոյի անդամ Վահան Վարդանյանը, որը Ռուբեն Դանիելյանի հետ միասին ստեղծել էր սովետական ռազմաղերիներից բաղկացած պարտիզանական հատուկ ջոկատ։ Նրա մասին գեղու 1945 թ. մայիսի 13-ի համարում պատմել է չեխական «Ceska pravda» թերթը և ռադիոն։ Մեր ձեռքի տակ են Վ. Վարդանյանի հուշերը (մեքենագրված 7 էջ)։

գ) Հոլանդական կղզիները փոխադրված հայ ռազմաղերիներն իրենց գործունեությունը Պանդուխտ Մելոյանի, Սուրեն Սարգսյանի, Սարգիս Կարապետյանի, Աղատ Խաչատրյանի և Վաչագան Գարրիելյանի ղեկավարությամբ շարունակել են մինչև 1945 թ. մարտի վերջը։ Հիտլերականները զնդակահարեցին այս ընդհատակի մի շարք հայրենասեր ընկերներին։

դ) Ընդհատակյա երկարատև աշխատանքից հետո պարտիզանական պայքար ծավալեցին Ֆրանսիա փոխադրված 5-րդ և 6-րդ ղումարտակներում գտնվող հայ ռազմաղերիները, որոնք պատերազմն ավարտվելուց հետո միացան երկրի հարավում գտնվող սովետական պարտիզաններին։

ե) Պոլիտբյուրոյի Ֆրանսիայի հարավային շրջանները փոխադրված հայ ռազմաղերիները կապվելով դիմադրական ուժերի հետ առանձին խմբերով փախան գերմանական ճամբարներից և միացան ֆրանսիական պարտիզաններին, իսկ հետագայում միավորվեցին առանձին զնդի մեջ։ Հայ ռազմաղերիների այս խոշոր խմբի գործունեությունը ևս առանձին ուսումնասիրության առարկա է։

<sup>50</sup> «Советская историческая энциклопедия», М., 1961, т. 1, стр. 614.